



सानसेयारि 'बड'सा' खरीरालाइयाव
समान्यारि जिज्जो लोखा थावाय रायथाय, खन्थाय,
सल', सल'बाथा आरु हावबायारि थावनि, पार्क
बाइदिनि स्यायव लिन्नाय लिन्नाय दिथाय डर!
सानसेयारि 'बड'सा' खरीरालाइया सेबरानानै
फोसावगोन।

बड'सायाव लिन्नायानि डुबा खालाम,
'बड'सा' खरी नोथां, जो बयबो आंगो खालाम।

सानसेयारि बड'सा मावखुनि

माइबं नोगोर, जोहोलाव दैमालु लामा

कक्राझार, बिदिसि-783370

Website: www.bodosanewspaper.com

BODOSA ★ A Bodo News Daily ★ Wednesday ★ 17 April, 2024 Kokrajhar, BTC, Assam ★ Vol.- 34, Issue No. 21 ★ R.N.I. Regd.No. 40994/91, Assam Govt. Regd.No. IPRD.40/2006/3, ★ Rs.8/-

फैगौ 18 एप्रिल आव बिजेपिनि माहारियारि आफादगिरि जेपि नाडुआ कक्राझार आव दावबाय फैगोन

बड'फा नोगोरनि ग्रिन फिल्ड आव बिदिसिनि गाहाइ मावफुं
सोद्रोमा प्रमद बर' आ साखा-फारा जानायखौ खौरां लफेदों

कक्राझार, 16 एप्रिल: गिबि खेबनि थाखाय फैगौ 18
एप्रिलखालि बिजेपिनि माहारियारि आफादगिरि जेपि नाडुआ
कक्राझार आव दावबाय फैगोन। बिथांखौ बरायनायनि थाखाय
बिदिसिनि गाहाइ मावफुं सोद्रोमा प्रमद बर'नि दैदेनाय
इउपिपिएल दोलोनि दैदेनगिरिफोरजों लोगोसे मावफारिया-
सोद्रोमाफोर साखा-फारा जादों। आथिखालाव कक्राझारनि
बड'फा नोगोर आव थाया ग्रिन फिल्ड आव दिनेनफ्राय साखा-
फारा जानायखौ जागायजेन्दीं। मख'नो गोनांदि, कक्राझार
बड'फा नोगोर आव थाया ग्रिन फिल्ड आव खुंजानो गोनां गेदेर
सुबुं गौमायाव बिसायख'थि फोसावदिनो थाखाय माहारियारि
बिजेपिनि आफादगिरि नाडुआ दावबाय फैगोन। एनडिपिनि
बिजाथि (□ 5 बिलाइ आव)



मदिआ सार्भाइकेल आरो ब्रेस्ट केन्सार होबथानो राहा लागोन: गिबि मन्थि बिहाली ब्रह्मजान साहा बागानाव गिबि मन्थि आ बिसायख'थि फोसावदिंदों

गुवाहाटी, 16 एप्रिल: सनितपुर लकसभा बियाबनि बिजेपिनि बिजाथि
रन्जित दत्तनि जानानै बिसायख'थि फोसावदिनाय थांखिजों समबाराव
बिहाली बिधान सभानि बेंखनाव थाया ब्रह्मजान साहा बागानाव बिगि
मन्थि डू हिमन्त बिश्व शर्मा आ नुजाथि हैनायखौ नुनो मोन्दों। ब्रह्मजान
साहा बागाननि बेवलां गेलेप्रा फोथावा खुंफुनाय मोनसे गेदेर बिसायख'थि
फोसावदिं मेलायव गिबि मन्थि आ बाहागो लायो। बे हाबाफारियाव बाहागो
लानानै गिबि मन्थि आ सनितपुर लकसभा बियाबनि मोन 9 बिधान सभा
लकसभा बियाबआवनो जैरेबायदि भटार रइजोफोरखौ बाहागो लानायखौ
नुनो मोन्दों बेखौ नायनानै नो हमनो हायोदि, लकसभा बिसायख'थियाव
बिजाथि रन्जित दत्त आ गोबां अन्जिमानि भटनि फारगथियाव देरहासार
जागोन होना गार्वनि बिबुंथियाव फोरमायदों। सनितपुर लकसभा बियाबनि
जौगाखानायनि सार्थयाव बिजेपिनि बिजाथिनो भट होनायजों लोगोसेनो
थामथि खेबनि थाखाय नरेन्द्र मदिखौ भारतनि गाहाइ मन्थि मासियाव



फजफिनो थाखाय भटार रइजोफोरखौ (□ 5 बिलाइ आव)

भट थुनाय जोबनायनि सिगां 48 घन्टा डूइ दे फोसावदों मोनथाम खोलोब बिसायख'थि बियाबनि सिडाव आलादा-आलादायै डूइ दे सोलिगोन

दिसपुर, 16 एप्रिल: गोगो आरो थि बिसायख'थि खुंनानै हादत आव
गोखौ सुबुंखान्थि दानायनि थाखाय भारतनि बिसायख'थि आयग आ
लकसभा बिसायख'थि बियाबफोरव बिसायख'थिनि खोलोब बायदियै
भट थुनाय सानफोरव भट थुनाय (□ 5 बिलाइ आव)

कक्राझार जिल्ला अगपनि आफादगिरि जाकिर हुसेइन आ बिबार एंगारबाय

कक्राझार, 16 एप्रिल:
एनडिपिनि बाहागो महैर दुलायय
आसामावनो नरेन्द्र मदिखौ 3 थि
खेबनि थाखाय गाहाइ मासियाव
फजफिननायनि दावहायाव
नांसोमनाय समावनो कक्राझार
जिल्ला आसाम गन' परिषदखौ
(□ 5 बिलाइ आव)



कक्राझार लकसभायाव बिजाथिलाइ गथायनाया जागायबाय जागायजेन्नायावनो साथाम उदां बिजाथिया बिजाथिलाइ गथायदों



कक्राझार, 16 एप्रिल: फैगौ 7 मेयाव 3 थि
खोलोबनि लकसभा बिसायख'थि खुंफुंजानो
गोनां 1 नं. कक्राझार लकसभा बियाबआव
बिसायख'थिनि नेमखान्थिखौ उनसंनानै
दिनेनफ्राय बिजाथिलाइ गथायनाय हाबाफारिया
जागायजेनबाय। गिबि सानखालि सा 3
बिजाथिफोरा गावसोरनि बिजाथिलाइखौ
गथायनायखौ नुनो मोनो। मिबथिनो मोन्नाय
बायदिब्ला, बिजाथिलाइ गथायनाय साथामबो

उदां बिजाथि। कक्राझार बिसायख'थि बिबानगिरि
प्रदिप कुमार द्विधेदीनि सिगाडाव गथायनाय
साथाम बिजाथिफोरा जाबाय- भटार पार्ति इन्टार
नेसनेल (भिपिआइ)नि बिजाथि ललित पेगु,
पब्लिक रिलेसन पार्ति (पिआरपि) नि बिजाथि
रन्जय कुमार ब्रह्म आरो उदां बिजाथि रजकुमार
पृथ्विराज नारायण देब मेच। गावसोरनि
बिजाथिलाइखौ गथायखानायनि उनाव
भिपिआइनि बिजाथि ललित कुमार पेगु आ

कक्राझार खौरां बिजौनि सिगाडाव बियाबनि
रइजोफोर बिसायख'थिखौ बे खेबाव जर'खा
महैर आखाइयाव लादों। थां आरो थानानै थानो
हो, गुबै बाभ्राजों रइजोखौ दैदेनलानो हानाय
बड'फा उपेन्द्रनाथ ब्रह्मनि सिधलायाव गसहेनानै
नोगोरारिफोरा भाडू मोनागौमानि बड'फानि
बिबुंथिआ ओंथि गैया होना पेगुआ गार्वनि
बिबुंथियाव फोरमायदों। नासयजानाय
सुबुंफोरखौ (□ 5 बिलाइ आव)

शभ'लिन
इमलियेन्ट



आरोबाव गोजों आरो
बिगुरनि थाखाय लुमाम्फा गोनां



Alternative photo identity documents if EPIC is not available to cast your VOTE



- Indian Passport
- Driving License
- Service Identity Cards with photograph issued to employees by Central/State Govt./PSUs/Public Limited Companies
- Passbooks with photograph issued by Bank/Post Office
- PAN Card
- Smart Card issued by RGI under NPR
- Unique Disability ID (UDID) Card, M/o Social Justice & Empowerment, Government of India
- MNREGA Job Card
- Health Insurance Smart Card issued under the scheme of Ministry of Labour
- Pension document with photograph
- Official identity cards issued to MPs/MLAs/MLCs
- Aadhaar Card



Exercise your right to vote and shape the nation's future!

Issued by Chief Electoral Officer, Assam

@ceoassam

@ceoassam

@ceo_assam

1950

सुजुगिरिनि खोलोम



दाव-हांसो, ना-अमा फिसिनारनि राहा फारि

आबादयानो बर' फोरनि थाना थानायनि गिबि आरो गुदि फुंखा। आबादनि अनगा सादा-बुसा मावदामब्लाग्रा गामियारि बर' फ्रा गुबुन माबा मोनसे मुलाम्फायारि गोनां खामानि दामानि मावनानै रांखात्थियारि बिथा फसंथानो आरो आबादखौनो गुबै राहा हिसाबै लायोब्लाबो गोनोंखोयारि आदोबजों आवगायनो हाद्रायखै। अब्लाबो बुनांगोन बर' फ्राबो आधिकालाव-फालांगिरि, मोजां आबादारि दंसै। फालांगिरिफोरनि बाश्राखौं राखाडबालानो मिथिंगायारि फुंखानिफ्राय मोननाय माखासे खाबु आरो देहानि बोलो बाहायनानै मावसोमनायनि गेजेरजों गामियारि रांखात्थिबोबो गुस्तायनाय लाबोनो हासै। मुलाम्फायारि जानो राहा दंसै। बेफोरनि गेजेराव ना आरो हांसो-दाव फिसिनारयो मोनसे। गुबैये ना आरो हांसो-दाव फिसिनारनि मोजां समानो जादों दैज्जां बोथोर। दैज्जां बोथोर सौफेब्लानो गामि ओन्सोलनि गोबां हाखर-हाला, गरखाय-दंगफ्रअ खानि दैज्जां दानब्रै-दानबासिम आबुं लोमनानै थायो। बेफोर एरेंनो गोलैसोनानै थानाय हाखर-हालाफ्राव समबाय हिसाबै एबा गावयारि हिसाबै बोथोरवनो ना फिसिनो हागौ। ना-जों लोगोसे जावजा आबाद हिसाबै हांसो फालोबो फिसिनारनि राहा खालामनो हायोब्ला रांखात्थियारि फुंखाखौं एसे एने बांहोनारनि मिजिं खालामनो हागौ। दैज्जां बोथोरव थि बेंखनथयनि गेजेराव दोनानै हांसो फिसिनो लायोब्ला दैयाव थाल्दानाय-साम' -खांखाइ, गुमा, बायदिसिना एम्फो-एन्लाफोरखौंनो गोजोम-गोजोम जानानै थानो मोजां मोनो हांसोया। जाउनाव गोबां आदारनि गोनांथि जाया। बिब्दिनो हाखर-हालानि फोसाब्रडैहाग्रा-बंग्रा, दाखोर-दालाफ्राबो ना फिसिनारयो गोबां मदत खालामो। नानि थाखाय फोसाबै हाखर, गरखायफ्राव गोबां आदार नांगौ जानानै फैया। मानो हांनोब्ला बेफोरवन नानि थाखाय गोबां आदार ज' जानानै थाखायो। बेखायनो बेफोरखौं सिगां नोजोर थिय्रोनानै मोजां आरो गोगो जोलैनि ना फुवान आरो हांसो जोलै ज' गायनानै फिसिनारनि बे गोले राहाजों बाडाइ खरसा आरो बाडाइ समनि गेजेरावनो गरफा-गरनै खामायनारनि लामा ओंखारो। गोले दिखुरा हांसो फिसानि थाखाय ना फिसिनारि बादिनो सोरगिदिं जेवरानि गेजेराव सम सम आरो बाइजोयावबो सम लानानै हगारलाय-थिसनलाय खालामना होनारनि राहा लायोब्ला गोब्रै देरनो बोलो मोनो। आधिकाल ना-बेदरनि साहिदा बांनार आरो बारायगलाबनार बेसेनखौं नोजोर होनानै ना-हांसो फिसिनारयोबो रांखात्थियारि बिथिडे-गोखों जानो हायैनि बाश्रा फैया। नाथाय बेफोर आबादजों गोबां मुलाम्फा जायैआ सैथो, नाथाय बेकारफोरनि थाखाय साखि-बाखि जासान्दि आखायनि खरसा फैनारयोबो सैथो। आथिखालाव रोजा-रोजा बेकारफोरखौं सरकारि मावफारिया थिसनानै जेनाखौं सुफुंनंगोया गोब्राब होनानै नुहरखानाय। बे बिथिडे-सरकारि मावफारियाखौल' नेनानै थास्तायसाय बाडाइ सम आरो एसेल' खरसाजों गोले गोले बिथांखि लानानै रां खामायनारनि राहा लानानै सरकारि अनसुंथाय मोनारनिबो सरकारि मावफारिया, बिबानगिरिफोरजों सोमोन्दो लाखिनारया गोनांसै।

सुंद 'सल'

मिच रहिला मसाहारि

दरसे गामियाव रुदालि आरो रैमालि मुनि सानै बिलोगो दडमोननो। बिसोर सानैजों उ - दै' नि फ । य नो नागार लाय फ र । मोन । उन्दैनिफ्रायनो एबा गुदि फरायसालियाव फरायनाय समनिफ्रायनो बिसोर फरायनायावबो गात्रि नडमोन, बेखायनो बिसोर बिलोगो सानैखौं फोरेंगिरिफोरबो जोबोर अनसो गारोमोन। उन्दै समनिफ्रायनो, फोरेंगिरिखौं मान होनाय, बिमा-बिफाखौं सिबिनाया बिसोरनि हुदा बायदि मोन। गुदि फरायसालिखौं मोजाडैनो उथिनानै, एम.भि फराइसालियाव आगान होबाय रुदालि आरो रैमालिया। बिसोरनि राव-फाव राइज्जालयनाय मिनिनाय बयजोंबो मिलायनाय जोबोर समायनामोन। बिसोरनि गोसो, बिसोरनि महर मुस्रिया एसेबां हायनाद्राय नडमोन। बिलोगो सानैनि गेजेराव रुदालिनि महरखौं हायनासिन नुयो, एमभि फरायसालियाव आगान होनायजों लोगोसे रुदालिहा सासे जिउनि लोगोरि लोगो मोनबाय, रुदालि रैमालिया बा (ड') थाखोआव फरायब्ला रुदालिनि मोजां मोननाय सेंग्राया स्नि (7) थाखोआव फरायोमोन। रुदालिनि मोजां मोननाय सेंग्रानि मुड फुंजा बसुमतारि। फुंजानि गामिया रुदालिनि दरसे गामि बारब्लानो मोनो। माने, फुंजा मोननि गामिया रुदालि मोननि गामिनि सा-सोनब गोम्लैयो। फुंजानि न'खरा जोबोर दुखुथिया बेहा उन्दै समावनो बिमा-बिफा गोमा जानाय सासे मावरिया। बिन बिदा बिब'फोरा बेखौं बाहागिफोरनि मदतजों फेदेरबाय, फोरोंबाय। मोजां मोनलायनायावबो आगान होनो रोंहांबाय। फुं जाया स्नि थाखोआव फरायनाय समावनो

फोथायनो गोब्राब

रुदालिखौं मोजां मोन्दों। रुदालिया बे समाव मोजां मोननाय जिरातखौं एसेबां मानि मिथियामोन। फुं जायानो रुदालिखौं मोजां मोन्दो फोरोंबाय, राइज्जालय दाव, लोगो हमादाव बेरायदाव गासै खौबो रोंनो हमादाव रुदालिया फुंजानिफ्रायनो। रुदालि, रैमालि आरो फुंजा मोन फरायनाय फरायसालिया 5 थाखोनिफ्राय 7 थाखोसिमल'। फुंजा आरो रुदालिनि गोथार मोजां मोनलायनाया से बोसोर जाबाय, आनजादाव साथामबो मोजां। फुंजाया दाइन थाखोआव मोननाय लोगो लोगो फुंजानि जाथि-खुरमाफोरा गाव सिनाव लानानै दोनहैयो, बेयावनो, फुंजा थानाय खाथियाव लानानै दोनहैयो, बेयावनो फुंजा थानाय खाथियावनो हाइस्कु लबो दंखायोमोन। बे फरायसालियावनो फुंजानि एडमिस'नखौं लानाय जायो। फुंजा आरो रुदालिनि मेग'नि नोजोरा गोजानब्लाबो-गोसोआ गोजान जायाखै। फरायनायावबो बिसोर गोसो मोदोम होनानै फरायगसिनो दं सिबाय। देरदोखोन-देरदोखोन देरनानै, दिने फुंजा रुदालि आरो रैमालि मोनहा, जौमोन, लायमोन बैसोनि समायना महर बेरखांबाय। फुंजा आरो रुदालिनि मोजां मोनलायनायाबो सुमलि थुला उरायनायबायदि उरायनो हमादाव, अब्लाबो फुंजानि बाय-बाहागि रुदालि मोननि न'खरनिफ्रायबो एसेबां हेंथा गैयामोन। फुं जाया मेट्रिक आनजातखौं खेबसेनो पास खालामबाय। मेट्रिक आनजातखौं पास जानाय लोगो लोगो गावसिनि खुरमानाव थाहैलायबाय गुवाहाटी सहराव साखिनि सुबिदा लानो। जैरै ना जानाय एरै मोनबायबो बियो बोसोरनै बोसोर थामनि उनाव रेलवे साखि, खस्थ-मस्थयै।

रुदालि रैमालिमोनाबो मेट्रिक आनजातखौं उथिनानै कलेज फरायबाय। फुंजाया देरलाय लक्षी फुंजायाव गामियाव (न'आव) फेदों, सुटि लानानै। रुदालि मोननाबो बेलासि-बेलासि बेरायनो फेबाय। गावनि आंगो मोजां मोननाय खौथ' बहा बावनो? फेखा नांखागोन। जायगा-जायगा बिमा लक्षीनि फुजा मेला। मेलाया रुदालि-रैमालि मोननि गामि खाथियावबो जायो। बिसोर साथामजों, मोनाबिलि मोना बिलि बेराय हैबाय। राइज्जालय होनज्जालय मिनि-खुसि बेरायनानै बिसोर न'फारसे आगान सुरबो फिनबाय। फुंजायाबो रुदालि मोननि आवनो हर थाबाय। रुदालिनि बिमा-बिफा नख'रनि रावबो नेवसिया फुंजाखौं, मावरिया खाउरिया गथ' होना जोबोर अनसो गारो। बिन आखल-आखु, फाव-फेसन जेबो गात्रिखोनो नुखाया। उन्दैनिफ्राय फुंजा आरो रुदालिया मोजां मोनलायबोदोंब्लाबो गात्रि खामानियाव थांफेराखै। बिसोरनि आखुवा जोबोर धैर्जमोन। रुदालिनि बिमा-बिफा, -बिदा फंबायफोरनि सिगाडव, फुंजाया सासु मासुयै बुंफोरनानै लाबाय, रुदालिखौं फेगौ फाल्युन दानाव जुलि लाहै नोसै, आंजों लोगोसे लांफानोसै साखियाव होन्ना। रुदालिनि न'खरनि रावबो बे हाबायाव हेंथा गैयामोन। ऐदिन खालि हरावनो गासैबो खोथाया जारा-फिरा जाखा जोब्याय हराबो थौहाव थारबाय। जाखां-लोखां उन्दुबाय रैमालियाबो बिलोगोजोंनो जायै लोडें सानैजों उन्दुबाय। अखा नायबाय, सोरां जाबाय, फुंजाया फुडवनो न'आव थानो नागिरदोंमोन। नाथाय रुदालि आरो बिमा बिफाया ओंखाम जालाडाब्ला हगार हरा,

आलासिखौं आलासि महरै फुजिनो रोंगौ बिसोर। जोबोर मोजां न'खर जोबोर अनलायसो गारो। जाखां-लोखां थानोसै समाव-फुंजाया रुदालिनि बिमा-बिफाखौं खुलुमबाय रुदालि-रैमालिजों मोजाडै मोजां बिदाय लालांबाय। अखा नायैनो फुंजाया साखियाव थांफिनगौं सम सफेनायखाय, थांफिनबाय गुवाहाटीयाव। फुंजाया दाना आलादा रुम लानानैसो थायो। गावसिनि खुमाजों थाफला। फुंजा थानाय रुम खाथियावनो साखि मावनाय, फेमिलि लानानै संसार जानानै दं। बिसोर गासै साथामल' फेमिलिया-हौवा हिन्जाव आरो दान मोनब्रै मोनबानि हौवासा गथ'। सिबाय फिसाइया सानफ्रोमबो डिबथियाव थांबाय थानाय अखा नायब्लानो बिसिनि आख'ल-गियानखौं बारा मिथिनो मोनला। बिन हिन्जावनि फाव फेसन बेब' हारा बारा मोजां नड। जानो हागौ बिन फेस'न, बेब' हारा सिख्लानिफ्रायनो 420 खासो खोमा? दिने एसे गाबोन एसे फुंजाखौंसो गात्रि गात्रि फावजों जंखायदाव जंखाय दाव, बमब्राय दाव-बमब्राय दाव, जाहोदाव-लौहो दाव, दिनेबो (गोदें) राव, गाबोनबो (गोमोथाव) फाव फेसनजों फुंजानि गोसोखौं गलि होनो हमाबाय। औरैनोबा हौवाफोरा गोसोखौं बारा गोबाव खाबथानो हाया...। आरो बिनिसायाव सेंग्रा मानसि, हिन्जावनि फेस'नाबा माबायदिमोन। सोमोन्दोखौंबो बिबाजै लेंनायजों जाबजों साबसिनसो जाबावदों बे फाग्लि हिन्जावनो सेंग्रा बरायनो। मा एसे गात्रि आखल बिनियालाय। एसे मोजां हौवा मोननानैबो लोगोसे अन्थाव बाथाव फिसाहौवा। फुंजाया रुदालिखौं बावनो हमाबाय, बे हिन्जावजों गोजाव होजाबाय। फुंजाया डिबथियाव थांब्लाबो बे हिन्जावनि थाखायनो असु-खुथु जाग्रा जाबाय। फुंजानि

अबस्थाखौं नुनानै बार सिबलाय-दै दासोमलाय। नंखाय नडमोन रुदालिनि फुंजाखौं लानानै सिमां सुजुनाया। उन्दै समनिफ्रायनो मोजां मोनलाय बोदों बिसोर सानैजों अब्ला माबोरै बावगारनो हानो? बेसेबा गोबावजोंसो सुथि मोनबाय रुदालिया, अब्लासो नखरनि गासैबो मोखां गे व जो बबाय। अब थिरा बबेनिफ्रायबा साग्लोब फेनाय गोसोम जोमैया दासो सोरां जाफिनबाय। बयबो खुसि जाबाय गावबा गाव गोसो सिडाव बिन उनाव रैमालिया रुदालिखौं गोसोखौं हगार जानो गिनानै लासै लासै गुरैयै जोबोर बुजायबाय, नखरनि बयबो बुजायबाय। जेसेनो बुजायो एसेनो फुंजाखौं गोसोखां गोसोखां-राइखां-राइखां, दुखु-नांहाब नांहाब रुखु रुखु गाव सिन्नो हमो रुदालिया। बिन गाबनायाव गावफाया बालानो रावबो एरेंनो थानो हायाखिसै। रैमालिया रुदालिखौं फुंजाखौं बावगार होनो थाखाय, जाथि खुरमा फोरनाव आलासि जानो लेंलांबाय, एखमब्ला बेरायगलां बेरायगलां खालाम हैबाय टाउन सहर दिने एसे गाबोन एसे रुदालिया फुंजाखौं बावगारनो हमाबाय। रुदालिया गोसोखौं गोखों लानो रोंबाय। सानसेखालि रुदालिया रैमालिनो फोरमायबाय, लोगो आंनो मोजां मोनलायनि जिरातखौं जिउआव बज'बना लाला। मोजां मोननाय जिरातआ आनि थाखाय फोथाय जाथावै बायदि जाबाय लोगो आंनो बे जोनोमाव मोजां मोननाय हौवाखौं नांथारला। मोजां मोनलायनानै नेनानै थानाय जिरातखौं फोथायनो जोबोर गोब्राब मोनबाय आं लोगो।

दिनेनि फान्जामुथि

राशि बाइदियै मुनि गिबि हांखो

मेष : अ ल वृष : ऊ ब (उ ए इ) मिथुन : क छ (ड घ) कर्कट : ड ह सिंह : म ट कन्या : प ठ (ण ष) तुला : त र बृश्चिक : ब न धनु : ध भ (ङ फ) मकर : ख ज कुम्भ : ग श (स) मीन : द च (ख ज झ)

- मेष:** लोमोदिगि जालायनाया बांगोन। लोगोनि सोमोन्दो थानाया गौरा जागोन। मोजां सम।
- वृष:** दिनेनि दिनआव खस्ट मोनानो हागौ। गोसो हमाथानानै सोलिनांगोन।
- मिथुन:** जैरेबो गोजोन्नायखौं मोनो हागोन। नख'र संसारआ जौगाखांगोन। मोजां सान।
- कर्कट:** गोथार खामानि मावनानै लानो हागोन। सान्नायखौं फुर खालामनो हागोन। मोजां सम।
- सिंह:** बे रासिनि थाखाय अशुभ सान। माबाफोर मोजां खामानिफोर दडबा मावनो नाड। गोसोखौं हमाथ।
- कन्या:** सुथरफोर थानायखौं फेजेनो हागोन। गोजोनै थानो हागोन।
- तुला:** महर-मुस्रिआ सावसंनारय नड। देहाखौं सांग्राडै लाखि।
- बृश्चिक:** दुखु-दाहा थानायफोरखौं फोरमायनानै लानो हागोन। गोसोखौं सां मोनो हागौ।
- धनु:** फारफोमथिबो मोजां। सान्नाय खामानिखौं मावनो हागोन। गोथार सान।
- मकर:** जेखि मावा फालांगिआव मुलाम्फा खालामनो हागोन। मोजां सान।
- कुम्भ:** बे राशिनि थाखाय अशुभ दिन। मोजां खामानियाव आखाय होनो नाड। गोसोखौं हमाथ।
- मीन:** न'नि गोथार खामानि मावनो हागोन। जैरेबो जौगानायखौं मोनो हागोन। गोजोन मोनगोन।

कंग्रेसआ गोहोयाव फैयोब्ला 'का' आइनखौं बोखारगोन: प्रियंका गान्धी गात्रि बोथोरखौं नेवसिनाबेब्लाबो तिताबरार प्रियंका गान्धीआ रड श्व'आव बाहागो लार्दो

गुवाहाटी, 16 एप्रिल: गात्रि बोथोरखौं नेवसिनानैब्लाबो कंग्रेसनि आइजो दैदेनगिरि प्रियंका गान्धीआ समबाराव तिताबरार मोनसे गेदेरथार रड श्व'आव बाहागो लानायखौं नुनो मोन्दों। जयपुरनिफ्राय जर'खा उरां जाहाजजों 12:00 रिगायाव जहातआव नुजाथि फेनो हानाय प्रियंका गान्धीखौं बैसागु एबा बिहु मोसानायजों दुंबुदयै बरायनायखौं नुनो मोन्दों। बे हाबाफारियाव आसाम प्रदेश कंग्रेसनि आफादगिरि भुपेन बरा आरो गौरब गगैआ बाहागो लानायखौं नुनो मोन्दों। तिताबरार नुजाथिनानै रोजा-रोजा राइजोफोरजों तिताबरार साखियालिनफ्राय स्टेसन तिनलिसिम मोनसे गेदेरथार रड श्व'आव बाहागो लानो हानायखौं नुनो मोन्दों। गान्धीजों भुपेन बरा, देबब्रत शइकिया आरो गौरब गगैआबो बाहागो लानो हानयखौं नुनो मोन्दों। रड श्व'नि सिगां-सिगां गौरब गगैआ आसामनि थागिबिफोरनि जानानै कंग्रेसनि



आइजो दैदेनगिरि प्रियंका गान्धीखौं मोन 5 खोथा होनायखौं मावफु'नो खावलायो। गौरब गगैआ गावनि खावलायनाय बिबुथियाव आथिखालनि खुंथाय गोहोयाव थानाय बिजेपि सरकारआ 'का' आइन बाहायनायखौं कंग्रेसनि खुंथाय फैयोब्लानो बोखारनाय जागोन। बेखौं प्रियंका गान्धीनि सेराव आसामनि थागिबिफोरनि जानानै दाबि दैखाडो। नैथियाव साहा मुजिरा मावप्राफोरनो सानफ्रोमबोनि मुजिरानि

बेसेनखौं बांहोनो खावलायो। थामथियाव आथिखालाव जैरेबायदि बेसेन बांगसिनो दड बेखौं कंग्रेसआ नख'रनि लोक्षी बिथांखिनि गेजेरजों सामलायनो नाजागोन होन्ना मिबथिहोयो। बेनि अनगयैबो आसामनि मोन 6 माहारिफोरखौं जनजाति खालामनायाव गोखों राहा लागोन होन्ना फोरमायबावयो। गौरब गगैआ गावनि बिबुथियाव बोथोर गात्रिखौं रायखानानै प्रियंका गान्धीआ तिताबरार नुजाथि फेनाय लोगो-लोगोनो सान्दु

गुवाहाटी आरो हादापचार, डिब्रुगड आरो कलकाता, गुवाहाटी आरो शिवाधी नगरनि गेजेराव गोलेम बोथोरनि जर'खा रेलनि सिबिथाइ

गोलेम बोथोर 2024 नि फ्रम उरा सोंगो-दोनोंखौं फेजेनो नाथाय गहादपचार दोनय गुदि डिब्रुगड आरो कलकाता गोलेम बोथोरनि जर'खा रेलनि सिबिथाइ

रेल नं. 05610 गुवाहाटीनिफ्राय 06-05-2024 नि 24-06-2024 सिम =08 टिप (बुधवार)

रेल नं. 05609 हादापचारनिफ्राय 09-05-2024 निफ्राय 27-06-2024 सिम = 08 टिप (बुधवार)

सान	हाबफेनाय	हगारनाय	स्टेसनफोर	हाबफेनाय	हगारनाय	सान
समवार	---	20.40	गुवाहाटी	08.15	---	शनिवार
	03.40	03.50	निड जलपारगुरि	23.45	23.55	
मंगलवार	07.10	07.20	काटिहार	20.05	20.15	शुक्रवार
	13.10	13.20	पार्लियुट	13.20	13.30	
	00.40	00.50	जाबालपुर	01.40	01.50	
बुधवार	18.20	---	हादापचार	---	10.00	शुक्रवार

जर'खा फालांगियारि स्टेपजफोर: किरानानज, नाउगाथि, कापारिया जंसन, बावर्जिन जंसन, हाजिपुर जंसन, रिडि उपाध्याय जंसन, मित्रापुर, प्रयागरज चेरकि, सातना, कातनि, इतरसि जंसन, कान्दा, बुवसाबाल जंसन, मनमद जंसन, कपारिया, आहमादगार आरो ड्राउड रड लानि। फोरमाइथाय: एसि-3 यवार (मोनथाम), एसि-2 यवार (मोनसे), सिल्लार क्लास (बिनै) आरो एमएलआर (मोनने)-18 दब्बाफोर।

रेल नं. 05932 डिब्रुगड 04-05-2024 निफ्राय 29-06-2024 सिम =09 टिप (शनिवार)

रेल नं. 05931 कलकाता 05-05-2024 निफ्राय 30-06-2024 सिम =09 टिप (रबिबार)

सान	हाबफेनाय	हगारनाय	स्टेसनफोर	हाबफेनाय	हगारनाय	सान
शनिवार	19.38	19.40	साह लक्षीमपुर	00.25	00.27	मंगलवार
	23.13	23.15	साह राडपार	21.23	21.25	
	01.50	02.15	रडिया	18.15	18.40	समवार
	12.05	12.15	निड जलपारगुरि	10.45	10.55	
रबिबार	20.33	20.35	नदिये धाम	02.10	02.12	रबिबार
	23.00	---	कलकाता	---	23.50	

जर'खा फालांगियारि स्टेपजफोर: धेमानि, हासुनि जंसन, सिन्धु चरियालि, उदालगुरि, निड बडहावा, कक्राङ्गार, निड आलिपुरदुवार, निड कचबिहार, आलुवाबारि रड, किरानानज, बारसड, मारुदा उडन, आनिगमन आरो बान्देल। फोरमाइथाय: एसि-3 यवार (र'), एसि-2 यवार (मोनने), सिल्लार क्लास (बिनै), सेकेन्ड क्लास नन एसि(मोनब्रै), ब्रेक, रिगोन काम जेनेटय कार (मोनसे) आरो एमएलआर(डि) (मोनसे)=21 दब्बाफोर।

रेल नं. 05636 गुवाहाटी 01-05-2024 निफ्राय 26-06-2024 सिम =09 टिप (बुधवार)

रेल नं. 05635 श्रि गंगानगर 05-05-2024 निफ्राय 30-06-2024 सिम =09 टिप (रबिबार)

सान	हाबफेनाय	हगारनाय	स्टेसनफोर	हाबफेनाय	हगारनाय	सान
बुधवार	18.15	---	गुवाहाटी	00.25	---	बुधवार
	20.10	20.12	गवालपार टाउन	21.30	21.32	
	03.55	04.05	निड जलपारगुरि	13.35	13.45	शुक्रवार
	07.25	07.35	काटिहार जंसन	10.20	10.30	समवार
	10.35	10.45	बावर्जिन जंसन	05.30	05.40	
	13.37	13.42	हाजिपुर	02.05	02.10	
	23.53	23.58	आवध्या सिपएनटि	16.20	16.25	शुक्रवार
	10.50	10.55	मादुर जंसन	04.00	04.05	
	15.55	16.10	जयपुर जंसन	23.00	23.10	
शनिवार	03.30	---	शि गंगानगर	---	12.30	रबिबार

गुधुन जर'खा स्टेपजफोर: कामाख्या, निड बडहावा, कक्राङ्गार, आलिपुरदुवार जंसन, धलगाव, किरानानज, बारसड, नाउगाथि, कापारिया, वेगुसाब, समसिपुर जंसन, मुजिपरपुर, चाग्रा जंसन, सिवान, कातनि जंसन, देउरि सादर, गकपुर जंसन, मनकापुर जंसन, आवध्या धाम जंसन, लखी, कानपुर सेन्ट्रल, कान्दा, पारकबाद जंसन, कामगज जंसन, श्रावसि सिदि, भालपुर जंसन, बान्दिकुड जंसन, गाभीनगर जडपुर, रिगास जंसन, सिक्कर जंसन, शुरु, सादलपुर जंसन, दशिल भाडा, नर, इल्लेनाबाद, हनुमाननर जंसन आरो सुदुवारा। फोरमाइथाय: एसि-3 यवार (मोनथाम), एसि-2 यवार (मोनसे), सिल्लार क्लास (बिनै) आरो जिएएलआर (मोनने)-18 दब्बाफोर।

जेनेरेल मेनेजर (अपारसेन) सा-सान्जा सिमना रेल

"सिन्धुनायको ग्राहकफेनि सिबिथाइ"

साननि सान्दुंखौ मोन्नो हायै दरसे गामिया खालामना लानाय मिबथिनो गोनां राहा

जॉनि बुहुमाव थानाय गासैबो जिउनांफोरानो थाना थानो थाखाय सोरां एबा साननि सोरां रोदानि गोनांथि जायो। माब्लाबा जुदि सानसे सान ऑंखागब्ला जॉनि जिउआ एबा संसारा माबायदि जागोन ? सानफ्रोमबो अखा नायब्लानो सानखौ नुनो मोनग्रा जॉं बुहुमनि जिउनांफोरा सान्दुं मोन्नैनि दाहा एबा जिउआ माबायदि जाथावगौ बेखौ साननो हाया। नाथाय जॉनि बुहुमावको दरसे औरैबायदि गामि दड-जायनि थागिबिफोरा साननि सोरां मोन्नै दाहाजॉं जिउ खानांदों। नाथाय बेनि थाखाय बिसोरो चुनिया आदब दिहुन्नानै गावसोरनि गोनांथिखौ सुफुंनानै लादों। अखां सायाव मोदान्नाय गोजों सान बायदि बिसोरो गावसोरनि गामियावनो गुबुन मोनसे सान बानायनानै लादों। बे गामिनि मुडानो जादों भिगानेला। सुइजारलेन्ड आरो इटालिनि गेजेराव थानाय बे गामिया औरैबायदि जायगायाव दड, जेराव सान्दुंखौ माब्लाबाबो गोरलैयाखै मोन, जायनि जाहोनाव बेयाव संसार जानाय सुबुंफोरा गोबां जेनाजों मोगा-



मोगि जानांदोंमोन। बेनिखायनो गामिनि सुबुंफोरा मोनसे आलादा राहा दिहुन्नानै लायो आरो बुहुमावनो सानखौ लाबोयो। बुहुमाव सान लाबोनाय होनोब्ला नोंथाडाबो थारैनो सोमोनांनो हागौ। नाथाय बे गामिनि सुबुंफोरा थारैनो बे हाबाखौ मावना दिन्थिदों। भाइस निउजनि बायदिब्ला 1999 माइथायाव भिगानेला गामिनिनो सासे थागिबि आफ्रिटेक्ट जियाक मा बेन्जानीआ बैयावनि गिर्जान'नि इन्जुराव गंसे सलार वाटस एबा सान्दुंजों खारग्रा घड़ी लागायनयनि बाध्राखौ बुंथियो नाथाय मेयरआ बेखौ

नेवसिदोंमोन आरो बेनि जायगायाव बेन्जानीखौ औरैबायदि मुवा बानायनो थिनो जायजों गामिया जेब्लायबो सान्दुं मोन्नो हायो। बेनि उनाव बेन्जानीया इन्जिनियार गियानी पेरारीजों लोगो नानानै गंसे औरैबायदि गिदिर आयनाखौ दिहुनो, जाय 8x4 मिटार गिदिर। बेयाव गंसे जर'खा सटवेयर प्रग्रामिबो खालामनाय जादों, जायनि जाहोनाव आयनाया सानजों लोगोसे एबा बेथिं मोखां जानानै गिर्दिंलाडो। बेबायदिथैनो गामिनि जौसिन जायगायाव लागायनाय बे आयनाया सानसेयाव 6 घन्टा

गामिनो सान्दुं जगायना होनो हानाय जायो। बे आयनाखौ बानायनायाव गासै 1 कौटिरां नांदोंमोन आरो 2006 नि 17 डिसेम्बरआव बे प्रजेक्टआ आबुं जादोंमोन। अदेबानि बेखौ बानायनायनि आन्दोआव बिगियानारि जेबो गुदि बिथा गैया। बेयो सुबुंथिनि थाखाय आरो गोरलै जिउ खानायखौ बिथा खालामनानै बानायनाय मोनसे बेब'स्थाया मुलुगनां थाखोयाव बे आयदाया सावरायजानायनि गाहाइ आयदा जानानै फेदों आरो मुलुगनि गुबुन सुबुंफोरा बेवहाय थानानै बे आयदा दिहुन्थायखौ नायहैयो।

बैसागो बोथोर

खोन्दो खोन्दो बोथोरा थादोंसे रंग'बाय सैत्रयाबो फागुननि उनाव जेथिंबो जैरेबो मुलुगाव बिदिनो साथि फबवाय गोदान महरजों समयना महर लाबाय मिथिंगाया

रैसुमै देखोआ दाउ खौवौनि लाबोबाय बरायना बैसागो बोथोर।

-सबिराम बर' राबां, बागसा

होनबावनो मा आं

होनबावनो नॉनि सिगांयाव मा आं मोनथिनो सोर आंनि दाहाखौ दुखुखौ सानो आं बावगारनो महरखौ नॉनि मोनो नाथाय होबायनो आंखौ दुखुनि मोदे। नोंखौ आं आगौमोन लानो बजबनानै आंनि नाथाय जिउआव दुखुथिया मानोबा मोनो आं लाजिनाय मुगौनाय मानो आंनि मोदैन थरथिसे दाहारखौ मानोबा। सुरनांखे मानोबा आं सुखु-दुखुनि हांमा आलारि बाथि अरायसमनि लानानै गुयुब हान्थु खरायनानै "बाथौ" बोरायनाव बोर बियो आं आफा "शिव" बोरायनाव। गैया गोसो होनो बिसोरखौ थैवबो सोरनोबा होदों दोन दोलर बिसोरबो होदों गरिब-गुन्द्रा सोरनिबा नखराव इसोराबो बेबायदिनो सिनाय मोनला गरिब गुन्द्रा। गैयामोन एना-एनि सुबुं माहारि गेजेराव खौसेयाव थानायमोनब्ला सुबुं माहारिआव जिउ खोमानांखे सोरबाबा आस'खन्दा, जानानाय नडमोन थैनि बाना सोरबाबा। बुथार जानाय नडमोन सोरबाबा नायगार नायगार जाथाय गैयामोनब्ला बेफोर बायदि-गासैबो सुबुंयानो बिदा-फंबाय, बिमा-बिफा सुख सान्थिडे'रायजो जानाय बायदि नखरसेयाव। मालायखौ मुगौ नाड बेफोरखौ सानानै सोखारिनो नड, गुबुन हारिखौ देरगानो नाड गावनि दोन दोलरखौ लानानै बेफोरजादों दिने राजा, गावनि फोरजा। गेलेनाय गासैबो इसोरनि माइआसो-रावबो रावखौ खालाम नाड हेंथा हेसि मालाइनि जानाय थाखायखौ दुसिनाड बयबो रावनिनो आंगो बिमा-बिफा। रावबो नड, गावनि आंगो असे'-

मुसि मोकथां कुमार ब्रह्म दतमा गामि - शाधरपारा।

बैसागि

गोसोआ जथेरे आब्रा बाउलि बोथोर उदानि हायना गुन्द्रा गोबां खाखोराव गावनि थुबुर रादाबनि बिजों खौऔनि करास बोथोरनि साखि बैसागि सिख्ला।

-बिरनजय मोसाहारि गहपुर, बिस्वनाथ

रजे

बिरखोदाव

अ' रजे नों बहा खारखोमा लांखो आंखो नागारना ? फैंफिनदो रजे नोंखौ नेनाने दं आं लैथोनि नैबे रगुं जिडव। अ'--- रजे- नोंहा मा लुबैनाय दंमोन ? नोंखौ मोन्नो थाखाय लैथोनि बे मारुआव थानाय फामि बिबारखौ नोंनो नांगौमोनब्ला गुवार लैथोखौ सानसिनानैब्लाबो-लाबोना होफैगौमोन आं नोंनो। नाथाय नों मानो आंखौ नागर लांखो रजे आंनि जिउनि लामाखौ खालामखो मानो नों बेले-बेजे ? बहा दं दा नों रजे, आंखौ नागारना ? बहा मोन्नो दा रजे आं नोंखौ ? हे, जोमै राजा इन्द्र नोंथ' बुहुमनि गासैखौबो नुजोबो आंनि रजेआ बहा दं आंनो रादाव होफै आंनि जिउखौ गोजोनगलाय होफै।

जॉनि गामि

समायना-रमायना बे मिथिंगानि सोमखोर गोथां बे अरन बारियावनो जॉनि न'बथि फसंदों गय, खान्थाल-थाइजौनि ग्रोम-ग्रोम बै नुहरनायानो जॉनि गामि। मैदेर, मोसा, लखा, मोसौ-मैसोनि आंगो लोगो बैसागुआ फेदों आरो थादों गामिनि सेंग्रा-सिख्ला, बोराय-बुरैया रंजा-बाजा बरायदों आरो हगार हरदों बोसोर सालियानि सुखु-दुखुखौ बावगारदों बेसेबांआ आलो-आलो संसार जॉनि गामिया गैया एना-एनि, सुश्रा-सुथ्रि गोरौन्थि जादों सुद्रायदों बिखा मोनसेजोंनो गोबा फिन्दों बेफोरनो जॉनि अरायथा गामि

मनजिद बसुमतारि बड'गाव

रंजालि गथ'फोरनि सौरा

“बैसागु”

दालाइआव बानानै दाउ खौवौआ मेथाइ रोजाब्याय, बैसागुखौ बरायबाय। गोरान दालाइआव गोरदान बिलाइ खिलिबाय, मिथिंगा सिख्लाखौ देलाइहोबाय। फ्रि-फ्रि अखा हाबाय, रानस्वाव बोथोरखौ थाजिम खालामबाय। बार सिउ-सिउ बारबोबाय, आजोलि जॉनि लाइमोन बैसोआ बोदोरबाउलि जाबाय। गोसोआ रंजाखांबाय, बैसागनि बारदैसिख्ला जाना मोसानो हाबिला जाबाय। थारैनो सौफैमारबाय, बर'नि आंगो फोरखो रंजालि बैसागु।

-जुगामि ब्रह्म सेरफांगुरि, कक्राझार

टेद्राकटिस खन्थाइ

थौ बयबो मोसानि रंजादोनि रंजालि बैसागुनि खेबसे स्राइ

थौ बयबो मोसानि हुर हुर जाना बोराइनि बोराइ सेंग्रा नि सेंग्रा

खाम सिफुं जथाजों मोसा मोसा सोगोमसार होनि बर'लागोखौ

खाम सिफुं जथाजों मोसानि फे देगलायनि रंजालि बैसागुखौ

खाम सिफुं जथाजों मोसायाबो लागोनि बयबो जाम जाम नायथारगोन

खाम सिफुं जथाजों मोसायाबो माइरं दरं बुरजा हरगोन बयबो

खाम सिफुं जथाजों मोसा मोसा बर' हारिमुखौ हमथादोनि

खाम जथा सिफुंजों मोसानानै बर' लागोखौ सोगोमसार होनि

खाम सिफुं जथाजों मोसानि फे मुगानि लाइमोन सेंग्रा सिख्लाफोर

खाम सिफुं जथाजों मोसानायखौ बावगार नाड मुगानि लाइमोनफोर

खाम सिफुं जथाजों मोसा मोसा लाइमोन गायामाखौ गोगोम खालाम

रैदोम बर', बाक्स

बैसागिया आंनि लांगोनायाव

हरखाबै मिन्थिया जासे आंनो खौरां होआ जासे माब्लाबानो दफैयो बैसागिया आंनि लांगोनायाव मिथिंगा बिलाइनि दख'ना आर'नाय गानना।

गुमुर दंखायोमोन बि फेगोनखौ आंहाबो, फागुनि सिख्लायानो बुंखादोंमोन आंनो-मिथिंगा रानियाबो खिन्थाखादोंमोन बिखौ फेगोन होनना।

देंखोनि रानि खौऔबो फोरमायखादोंमोन आंनो बैसागिया फेगोन होनना महरनि रानि दावथु बिबाराबो मिनि हाला जादों बैसागिखौ फेनाय नुना।

खौऔनि देंखोआव हायना बिलायफादों बोथोरनि गोरलै बिलाय आसागि बैसागिनि मोसानाय फिखिना गालांबाय मोजोमसे अखा जोमै राजा बामबुलि

-कुमार बसुमतारि 1 नं बिक्रमपुर, लखिमपुर

रंजालि बैसागु

गोदान बोसोरनि गोजोन रादाव लानानै रंजालि बैसागुआ सफैलायबाय हनै बयनिबो गोसो अखोराडव रंजानायनि गोदे फिथिखा लुफावफैबाय।

दावखौवौनि रैसुमै देखोआव बैसागु बोथोरा समायसिनबाय हनै खाम, सिफुं, सेरजा, जथानि देंखोजों गामि गफायाव बारदैसिख्लाया रंजाखांबाय।

बोथोरनि रिंगना आबि रारफावनायजों दालाय बिलाइआ सोमखोर गाब गाबाय हनै रंजानायनि दोहोआव उसिफावना हाइला-हुइला मोसानो जान्जि खाफ्राबाय।

सोरगिदिं सोमखोर समायना मिथिंगा बिखायाव बैसागुनि गोदें देखोआ साग्लोबसारबाय हनै रं-बिरं बिबार फाइलिफोरनि मोसाग्लानाय बरे सिखिरिया बाहां बिरहां बिदै सोबदों।

-निजोम बर' पशिसम पानेरि, अदालगुरि

“नोंखौ लेंहरनानै”

नोंनि खोथा सान्नानैनो गोबांखौ आं गोजोन होयो नोंनि सिमां सुजुनानैनो बुब्लिफोरखौ आं मिजं गोनाडे बारहोयो...

दाउ खौऔ जाना नों गाबफे.. बैसागु बोथोरनि खौरां बिलायनो समायना बिबार जाना नों बारफे.. दावबायारि सुबुंनि गोसोखौ गोजोनगलाय होनो

खौऔनि देंखोखौनो आं नोंनि गोदें गारां होन्ना नागिर बायो ! मिथिंगानि समायथिखौनो आं नोंनि समायना महर होत्रा नायबाय थानो लुबैयो आरो नों फेगोनखायनो आं फोथेया गोबांखौ..।।

-आलेरा बर' सा-देखियाजुलि

भट सोनार्यन 48 घन्टा सिगां बिसायख 'थि फोसावदिनायखौ बन्द' खालामनांगौ: बिसायख 'थि आयग

17 एप्रिल मोनाबिलिन्फ्राय एक्जित पल, अपनियन पल, नायखांनायखौ बन्द' खालामनांगौ

दिसपुर, 16 एप्रिल: सुबुंनि थान्दे आइन-1951 नि दफा 126 बायदिये फैगौ लकसभा बिसायख 'थिनि मोनफ्रोमबो बिथिडववो भट सोनाय जोबनायनि 48 घन्टा सिगाडववो राजखान्थियारि दोलोफोरनि बिजाथिफोरा बिसायख 'थि फोसावदिनाय हाबाफारिखौ बन्द' फोसावदिनाय हाबाफारिखौ फोजेबनांगौ 'बेखौ नोजोर होनानै 19 एप्रिलयाव गिबि खोलोबयाव

बियाबनि बिसायख 'थिनि बिथिडवव फैगौ 17 एप्रिल मोनाबिलिनि 5:00 रिगायव राजखान्थियारि दोलोनि साफ्रोमबो बिजाथिफोराबो बिसायख 'थि फोसावदिनाय हाबाफारिखौ बन्द' खालामनांगौ। बेखौ नोजोर होनानै गिबि खोलोबयाव

खुंफुंजानो गोनां बिसायख 'थिनि बिथिडवव 17 एप्रिल मोनाबिलिनि 5:00 रिगायव राजबो सुबुडजानो बिसायख 'थि फोसावदिनायजौ लोब्बा गोनां जायखि-जाया फोसावदिनाय, हान्जा सुरनाय बायदि हाबाफारि खुंफुंनो मोन्नाय नडा एबा जायखि-जाया सुबुं गौमा बान्जायनानै बिसायख 'थि



फोसावदिनो मोन्नाय नडा। बेजौ लोमोसेनो टिथि, सिनिमाटग्राप एबा गुबुन जायखि-जाया बिजोडववो बिसायख 'थि फोसावदिनायखौ होबथानाय जादौं। बे समाव जायखि-जाया रेखोमनि हारिमुवारि हाबाफारि, फावथिना दिन्थिनाय एबा जायखि-जाया रंजानाय हाबाफारि खुंफुंनानै बिसायख 'थिजौ लोब्बा लानानै फोसावदिनो मोन्नाय नडा। बे मख 'खानाय समाव साफायसालि, मोब्लिबयारि एबा

जायखि-जाया बिजोडववो एक्जित पल, अपनियन पल फोसावदिनाय खालामनो मोन्नाय नडा। नायखांनाराबो नायखांनाय तेरट कार्ड रिडिं, राजखान्थियारि नायबिजिरसनाय बायदिखौ फोसावदिनो एबा फोसाववो मोन्नाय नडा। भट होनायनि बिथिडवव भटारफोरा गावनि गोसो बायदिये बिसायख 'थियाव बाहागो लानायनि थाखाय बे होबथानायखौ खालामनाय जादौं।

शामथि खोलोबनि बिसायख 'थिआव सा 8 बिजाथिफोरा बिजाथिलाइ गथायबाय

दिसपुर, 16 एप्रिल: फैगौ 7 मेयाव खुंफुंजानो गोनां थामथि खोलोबनि लकसभा बिसायख 'थिनि थाखाय कक्राझार बियाबआव सा 4 बिजाथिआ मोन 6 बिजाथिलाइ, धुबुरी बियाबआव सासे बिजाथिआ गांसे बिजाथिलाइ, बरपेटा बियाबआव सासे बिजाथिआ गांसे बिजाथिलाइ आरो गुवाहाटी बियाबआव सासे बिजाथिआ मोनथाम बिजाथिलाइ गथायनायखौ नुनो मोन्दौं। थामथि खोलोबनि मोनब्रँ लकसभा बियाबनि थाखाय दिने गासै सा 8 बिजाथिफोरा मोन 11 बिजाथिलाइ गथायनायखौ नुनो मोन्दौं।

43थि कुमारिकाता आन्सलिक रंजालि बैसागु खुंफुंनो साखा-फारा

तामुलपुर, 16 एप्रिल: तामुलपुर जिल्लानि कुमारिकाता आन्सलिक लाइमोन संघनि बान्जायनायव फैगौ 7 बैसागु (19 एप्रिल) आव सानसेनि मेहेरगोनां हाबाफारिजौं कुमारिकाता आन्सलिक सावरय नल्लानि लांगोनायाव 43 थि कुमारिकाता आन्सलिक रंजालि बैसागु खुंफुंनो लाहार-फाहार खालामनाय जादौं। फुंनि 8:00 रिगायाव कुमारिकाता आन्सलिक लाइमोन संघनि फिरफिला बिरहोनां जागायजेनो गोनां बे हाबाफारियाव लाइमोन संघनि आफादगिरि बिरन दासआ बेखेवनानै होगोन। 8:30 रिगायाव खुंफुं आफादनि आफादगिरि अरुप दासआ बैसागुनि फिरफिलाखौ बिरहोगोन। 9:00 रिगायाव मुंख्जनि खाम्फायाव कुमारिकाता आन्सलिक लाइमोन संघनि आफादगिरि किरशर दास, आरिमुवारि मावफारिया कृष्ण हालै आरो बारग' आसु मावफारिया



महाम्मद मकुबुल हुसेइनआबो मान बाउगोन। 10:00 रिगायाव हाग्रा बिबानगिरि बिरन बर', फाहामगिरि डा: अमर ज्यति गायन, दरखजुलि टिसिएलसिसिनि मासिगिरि पनिर नार्जरी, गागि खौरंगिरि प्रसाद दास आरो 4 नं. सोनाब कुमारिकाता भिसिडिसिनि मासिगिरि धनजित हालै आ बिफां फुलि गायनाय हाबाफारियाव बाहागो लायो। सानसुनि 11:00 रिगायाव हिमांसु उज्जा आरो चन्तस सरनआ प्राइजमानि सावगारि आखिनाय-बादायलायनायखौ दैदेनगोन। 12:30 रिगायाव प्राइजमासि गेलैनाय-

बसुमतारि आरो दिब्वज्यति गैगनि बाहागो लानायाव खुंफुंजानो गोनां हारिमु मोनाबिलिखौ एमएलए बिजित गोर नार्जरीआ बेखेवनानै होगोन। मोनाबिलिनि 7:15 रिगायाव मुंदांखा फालांगिरि एबा लाइमोन समाज सिबियारि मइनुल हक चौधुरी, हारिमु मावफारिया दिप नारायण देउरि आरो अरुन बायनआ आलारि बाथि फोजोगोन। खुंफुं आफादआ बे मोनफ्रोमबो हाबाफारियाववो ओन्सोलनि राइजो-राजाफोरखौ लैहोर-लैहोर बाहागो लाफैनो थाखाय गुरैयै खावलायहरदौं।

भवानिपुराव बर'-असमीयानि रंजालि बैसागु फोर्बो फालिदौं बैसागुजौं लोब्बा लाखिनानै खौसेथिनि हान्जा सुरदौं

भवानिपुर, 16 एप्रिल: भवानिपुर बिधान सभा बियाबनि बेंखनाव थानाय मेदेरथार सालबारि, भवानिपुर, सरुपेटा ओन्सोलयाव बर'-असमीया माहारिया गोदोनिफ्रायनो फालिबोनाय आसामनि रंजालि बैसागु एबा रडालि बिहुखौ फालिबोनां मोनैबो माहारिनि गेजेराव दिनेबो मोनसे रंगिना-संगिना फोर्बोनि थासारि सोमजिनायखौ नुनो मोन्दौं। मोसौ बैसागुनि साननिफ्रायनो दिनेसिम सानथामनि हाबाफारिजौं ओन्सोलयाव बर'-असमीया माहारिया गामियाव रंजालि बैसागु एबा रडालि बिहु फालिनायखौ नुनो मोन्दौं। मख 'नो गोनांदि, भवानिपुर बिधान सभा बियाबनि एमएलए पनिधर तालुकदार मोसौ बैसागुनि सानखालि बियाबनि मेम्बरघाटयाव पहमारा दैमायाव सानथ हायै राइजोफोरनि नुजाथिनायाव मोसौ बैसागुखौ फालियो। एमएलए पनिधर तालुकदार गामिनि राइजोफोर्जौं दैमायाव मोसौ थुखैनां लाव-फान्थाव जाहोनां आरो मोसौखौ बायदि गाबजौं गाब गाहोनां बैसागु फालिनायखौ लानानै जोबोद गोजोन्नाय मोन्दौं होन्ना फोर्मायो। भवानिपुर बिधान सभा बियाबनि गुरुबुन



ओन्सोलफोराव गुबुन गुबुन माहारिनि राइजोफोरा मोसौ बैसागु फालिनायखौ नुनो मोनो। मख 'नो गोनांदि, गिबि बैसागु साननिफ्रायनो दिनेसिमबो सालबारि ओन्सोलनि रुपहि, राजाबिल, लाहरीपार, हदुकाता, ताडबारि, बरसुपा, कमलाबारि, कुलाबारि बायदि बर'-असमीया गामिफोराव बैसागु एबा बिहु फालिनायखौ नुनो मोनो। गामिनि लाइमोन सेंग्रा-सिख्ता, बोराय-बुरि, गथ-गथाय बयनिबो नख 'र-नख 'र हाबलायनानै बैसागु मोसानायखौ नुनो मोनो। बेबायदिनो भवानिपुर, सरुपेटा, सालबारि बायदि ओन्सोलनि असमीया गामिफोरावबो सानथामनिफ्रायनो गामिनि मोनफ्रोमबो नख 'रफोरनि सिथ्ळा-सिथ्ळा बैसागु एबा बिहु मोसानानै दिन्थिफुंनायखौ नुनो

मोन्दौं। सरुपेटानि मिलन मन्दिरनि लांगोनायाव सरुपेटा रंजालि बैसागु खुंफुं आफादनि बान्जायनाय गिबि बैसागुनि सानखालि रडालि बिहु एबा रंजालि बैसागु फालिनायखौ नुनो मोनो। सानसेनि मेहेर गोनां हाबाफारिजौं फिरफिला बिरहोनाय, गोसोखां खाम्फायाव बिबार बाउनाय, बिफां फुलि गायनाय आरो लांदां बैसागु फालिनाय जायो। बैसागु खुंफुं आफादआ सरुपेटा भवानिपुर ओन्सोलनि सा 60 बिहु मोसागिरिफोरजौं लोमोसेनो माखासे जर 'खा सुबुंफोरखौ मान बाउयो। भवानिपुर बिधान सभा बियाबनि बेंखनाव थानाय सालबारिनि राजाबिल गामियावबो बर' माहारिनि बैसागु फोर्बो फालिनायखौ नुनो मोनो। बे बैसागु फोर्बो जौं लोब्बा लाखिनानै ओन्सोल नाइने हारिमुनि मोनसे हान्जा सुरनाय हाबाफारि बान्जायनायखौ नुनो मोनो।

मदिआ सार्भाइकेल आरो ब्रेस्ट केन्सार होबथानो राहा लागोन: गिबि मन्थि

गिबि मन्थिआ खावलायनायखौ नुनो मोन्दौं। बिजेपिआ फोसावनाय बिसायख 'थिनि थांखिलाइनि सोमोन्दै फोरमायनानै गिबि मन्थिआ गावनि बिबुंथियाव आइजोफोरनि गिखंथाव बेराम सार्भाइकेल आरो ब्रेस्ट केन्सारखौ होबथानायनि थाखाय गहाइ मन्थिआ नाजावनाय गोनांथार राहनि सोमोन्दै फोरमायनानै होयो। बनजौं ओंखाम संभानै जाग्रा आइजोफोरनो उज्जला बिथांखिनि सेंग्रा गेस होनानै रेहाय होनाय, कभिडनिफ्राय रैखा खालामनो कनाइ भेक्सिन दिहन्नाय, बेरन नाइँ माइँर होनाय, अरुनदय, जल जीवन मिसन, आयुष्मान कार्डनि गेजेरजौं 5 लाख रंसिम बेसेन नाइँ फाहामथाय, रेसन कार्ड, 3 बोसोरनि गेजेराव 1 लाख सरकारि साखियाव थिसन्थाय होनाय, धला-सदिया दालां लुफुंनाय, गहपुरनिफ्राय तेजपुरसिम माहारियारि राजा लामाखौ फोजेखानाय, सकिघाट दालां लुफुंनाय, गहपुरनिफ्राय नमलिधरसिम ब्रह्मपुत्रनि दे सिंजौं सुरंगनि लामा लुफुंनो राहा लानाय, गहपुरव कनकलता मुलुगसोलोसालिमा गायसन्नायनि थांखि बायदि, बिजेपि सरकारनि गुबुन गुबुन मावफुं जानाय खामानिफोरनि फोरमायथाय होयो। गावनि बिबुंथियाव गिबि मन्थिआ से बोसोरनि गेजेराव आरोबाव राइज्यो सरकारआ 50 रोजा गोदान थिसन्थायनि राहा लागोन होन्ना फोरमायथियो। बे राहायव जायफोर बेखार लाइमोन-सेंग्रा सिख्ळाफोरनि नख 'यव रावबो सरकारि साखि गैया बेबायदि लाइमोनफोरनो 10 नम्बर बांसिन नम्बर होनायनि थाखाय सरकारा राहा लागोन होन्ना फोरमायो। बेजौं लोमोसेनो 4 दाननि गेजेराव नख 'र-नख 'र अरुनदय बिथांखिखौ मोनजोबगोन होन्ना फोरमायनानै आरुमनिभर बिथांखिनि गेजेरजौं बेखार लाइमोनफोरनो सरकारआ 2 लाख रंसिम हेफाजाबयारि अन्सुंथाय होनायनि बाश्रा फोरमायदौं। बेनिनो 1 लाख रंखौ 5 बोसोरनि उनाव दानफ्रोमबो 2 रोजा राइँ होफिननांगौ होन्ना गिबि मन्थिआ फोरमायबावयो। आधार कार्डनि जेनाखौ लानानै गिबि मन्थिआ फोरमायनाय बायदिब्ला बे जेनाखौ 6 दाननि गेजेराववो सुखंगोन। थिसन्थाय फाहामथाय फरायसालिमायाव फैगौ 8/9 दाननि गेजेराव सोलौंथाय राहाखौ जागायजेनो थाखाय सरकारआ गोखौ राहा लानायनि बाश्रा फोरमायनानै गिबि मन्थिआ गावनि बिबुंथियाव 2024 माइथायनि गेजेराववो गहपुरव कनकलता बरुवा मुलुगसोलोसालिमा गायसन्नायनि खामानिया जागायगोन होन्ना फोरमायो। ब्रह्मजान साहा बागान ओन्सोलयाव फाहामसालि गायसन्नाय, चांदिगावनिफ्राय अरुणाचल बालिजानसिम थंग्रा लामाखौ आसाम माला बिथांखिनि गेजेरजौं गोदान लुफुंनाय, बुरै आरो बरगां दैमायाव बरख बारिनिफ्राय मनाबारिसिम पिडिब्लडि लामा लुफुंनायनि थाखाय सरकारा राहा लानायनि सोमोन्दैबो फोरमायो। आसामआव राइज्यो जाबोनाय गर्खा राइज्योफोरनि 'डि' भटयनि जेनाखौ सुखानो थाखाय सरकारा राहा लानायनि सोमोन्दै फोरमायनानै गुलि बारुडनि सोदोब गैयै आसामआव जिउ खुंबोनाय मोनफ्रोमबो हारि-माहारिनि गेजेराव गोजोन खौसेथि गायसन्नायनि थाखाय सरकारा मा बायदि राहा लाबोदौं बेनि सोमोन्दै गिबि मन्थिआ गुवारै फोरमायनानै होयो। लाकपति बाइदेउ बिथांखि आरो कलेजयाव मुं थिसन्नाय बिथिडवव फरायसाफोरनि थाखाय सरकारा हेफाजाबयारि बिथांखि होनायनि सोमोन्दैबो गिबि मन्थिआ गावनि बिबुंथियाव फोरमायदौं। पिएमएवाइ बिथांखिनि न 'खौ जि टेग खालामनो आथिखालाव आइजो गावसुंथा होन्नाफोरखौ थिसन्नां मुलाम्फागिरि सायख 'नायाव साबसिन रोखा जागोन होन्ना गिबि मन्थिआ फोरमायबावदौं। बे हाबाफारियाव सनितपुर लकसभा बियाबनि बिजाथि एबा बिहाली बिधान सभा बियाबनि एमएलए रन्जित दत्त, गहपुर बिधान सभा बियाबनि एमएलए उतपल बर, बिजेपि दैदेनगिरि दिगन्त घातवारजौं लोमोसे गोबां दैदेनगिरि-बिबानगिरिफोरनो बाहागो लानो हानायखौ नुनो मोनो।

भट थुनाय जोबनायनि सिगां 48 घन्टा ड्राइ दे फोसावदौं

जोबनायनि सिगां 48 घन्टा ड्राइ दे फोसावना होदौं। बे बिथिडवव फैगौ 19 एप्रिलखालि सेथि खोलोबाव बिसायख 'थि खुंजानो गोनां काजिरज, सनितपुर, लक्षिमपुर, डिब्रुगड आरो जरहाट लकसभा बियाबनि सिडव 17 एप्रिलनि मोनाबिलिनि 5 रिगानिफ्राय 19 एप्रिल मोनाबिलि 5 रिगासिम, 26 एप्रिलखालि 2थि खोलोबाव बिसायख 'थि खुंजानो गोनां दर-उदालगुरि, दिपु, करिमनन्ज, शिलचर आरो नगाव लकसभा बियाबनि सिडव 24 एप्रिलखालि मोनाबिलिनि 5 रिगानिफ्राय 26 एप्रिल मोनाबिलिनि 5 रिगासिम, 7 मे खालि थामथि खोलोबनि बिसायख 'थि खुंजानो गोनां कक्राझार, धुबुरि, बरपेटा आरो गुवाहाटी लकसभा बियाबनि सिघाव 5 मेनि मोनाबिलिनि 5 रिगायाव, 7 मेखालि मोनाबिलिनि 5 रिगासिम ड्राइ दे फोसावनाय होदौं। फासैथि 4 जुनखालि भट सानाय सानआवबो भट सानाय जोबैसिमाव सागनाडै-नो ड्राइ दे फोसावनायया सोलिबाय थागोन। लोमोसेनो मावेबा बियाबआव फिन बिसायख 'थि खुंफिनजानांगौब्ला फिन बिसायख 'थिनि बिथिडववो भट थुनाय जोबैसिमाव सिगांनि 48 घन्टयाव ड्राइ देआ सोलिगोन। ड्राइ दे फोसावजानाय समाव लकसभा बियाबआव थिसनजानाय ओन्सोलनि गेजेराव सोरबा सुबुं एबा दोलोआ निसा जाथोनि मुलियारि बेसाद दोन्थुमनाय, जौ फान्नाय, रगा जौंखांहोरा मुलियारि बेसाद रान्सासनाय एबा हटेलआव बेबायदि रोखोमनि मुवा-बेसाद जानाय बायदिखौ होबथदौं। गासैबो आन्डर-टैरिफ वे हाउस, भारतआव दिहन्नाय गुबुन हादतनि जौखौ खुस्सा गला एबा बार, क्लाब, हटेल, स्टर हटेल, हादतआरि जौ गला एबा गुबुन गुबुन रेखोमनि फसंथानआव बे ड्राइ देनि समाव जौ फान्नाय एबा जौ रान्नाय बन्द थागोन। बेनि अनगायै बे समाव सोरबा सुबुंनि गेजेरजौं जौ दोन्थुमनायनि बिथिडवव होबथानाय जागोन। एकसाइस आइनि गेजेरजौं फोसाम बिलाइ गैयै महरै निसा जाथोनि मुलियारि मुवा-बेसाद दोन्थुमनायनि आयदायाव जिल्ला कमिशनारनि गेजेरजौं माखासे नायगिरसंनय आरो आइनआरि राहा आजावनाय जागोन। हादतआव गोजोन, उदां आरो जाफुंसार बिसायख 'थि खुंनायखौ रोखा खालामनो थाखाय बेबायदि थांखि आजावना लादौं होन्ना सुतुडवव फोरमायदौं।

कक्राझार जिल्ला अगपनि आफादगिरि जाकिर हुसेइनआ बिबार एंगारबाय

ख 'हा खालामनानै जिल्ला आफादगिरिआ बिबान एंगारनाय जाथायखौ लानानै गोखौ फिन्जाथाय होनायखौ नुनो मोन्दौं। खौरं मोन्नाय बायदि कक्राझार जिल्ला अगपनि आफादगिरि जाकिर हुसेइनआ बिबान एंगारबाय। बिथाड जिल्ला आफादगिरिजौं लोमोसेनो गुदि सोद्रोमानि बिबाननिफ्रायबो एंगारबाय। मख 'नो गोनांदि, जाय समाव कक्राझार बायदि मोनसेल' अगप बायदि राजखान्थि दोलोनि सोद्रोमा जानाय मोनसे खालाम गोनांनि बाश्रा। बे समाववो बिबान सामलायनानै 25 बोसोर अगप दोलोयाव नांथाबबोनाय दैदेनगिरि जाकिर हुसेइनआ बिपिएफ दोलोआव हाबनो साखा-फारा जाबाय होन्ना मिबथिनो मोन्नाय जादौं। खौरं मोन्नाय बायदिब्ला, कक्राझार सालाकाटियाव खुंफुंजानो गोनां मोनसे मेलयाव जाकिर हुसेइनआ बिपिएफ दोलोआव हाबसिगोन। जाकिर हुसेइननि बिबान एंगारनायनि सोमोन्दै बिटिसिनि गहाइ मावफुं सोद्रोमा प्रमद बर' आ जेबो मिबथिया होन्ना फोरमायनानै अगपजौं बेनि सोमोन्दै सावरयनाय जागोन होन्ना मिबथिहोयो।

कलाइगावयाव मिरु रडालि आरो रंजालि बैसागुआ जागायजेनबाय

कलाइगाव, 16 एप्रिल: दिनैनिफ्राय कलाइगावयाव मिरु रडालि बिहु आरो रंजालि बैसागुआ जागायजेनबाय। मख 'नो गोनांदि, बे मोनैबो बिहु एबा बैसागुखौ खौसेयै खुंफुंनायाव कलाइगावनि बिहु एबा बैसागु फालिग्रा राइज्योफोरनि गोसोयाव रंजाखांनायजौं आगोर मोनै थासारि जानाय थासारि सोमजिदौं। मोनैबो बिहु एबा बैसागुयाव खेबसेयैनो फिरफिला बिरहोनाय जागोन। मख 'नो गोनांदि, मिरु रडालि बिहुनि 44 थि आरो रंजालि बैसागुनि 26 थि बैसागुखौ खुंफुंनाय जागोन। रडालि बिहुखौ कलाइगावनि दिन्थिफुं बांलायाव आरो रंजालि बैसागुखौ कलाइगावनि खौसेथि जौसाडव खुंफुंनाय जागोन। मोनैबो बिहु एबा रडालि बिहुनि फिरफिलाखौ खुंफुं आफादनि आफादगिरि बिजय कृष्ण शर्मा आरो रंजालि बैसागुनि फिरफिलाखौ बान्जाय आफादनि

आफादगिरि बाबुल बर'आ बेखेवगोन। मख 'नो गोनांदि, रडालि बिहुनि 4, 5 आरो 6 बैसागु आरो रंजालि बैसागुखौ 4 आरो 5 सानैनि हाबाफारिजौं खुंफुंनाय जागोन। मख 'नो गोनांदि, मोनैबो बिहु एबा बैसागुनि जौसाडववो हारिमु मोनाबिलिजौं समायफलेहोनाय जागोन आरो बिहु मोसानाय आरो बर'नि क्रिडि मोसानायजौं बैसागु थिलिआ जोबोरैनो समायफलेगोन। मोनैबो बिहु एबा बैसागु खुंफुं आफादआ राइजो-राजाफोरनि लैहोर-लैहोर बाहागो लानायखौ मिजिथिदौं।

मार्घेरिता, 16 एप्रिल: राइज्यो नाइँ रंजालि बैसागुनि रंजानाय-बाजानाय आरो लकसभा बिसायख 'थिनि गोखौ साखा-फाराथि सोलिफोराय थानाय समाववो मंगलबार फुंनि समाव तिति सुक्रिया जिल्लानि मार्घेरितायाव आसाम राइफलनि गारिनि सायाव गिखंथावयै उतखारि हान्जाया गाग्लोबनायखौ नुनो मोनो। मार्घेरितानि सालां लामानि नामदाडव बे गिखंथाव जाथाया जादौं होन्ना खौरं मोन्नाय जादौं। नोजोर होनो गोनांदि, गहाइ मन्थि थिलिआ जोबोरैनो समायफलेगोन। मोनैबो बिहु एबा बैसागु खुंफुं आफादआ राइजो-राजाफोरनि लैहोर-लैहोर बाहागो लानायखौ मिजिथिदौं।

(1 बिलाइनिफ्राय)

कक्राझार लकसभायाव बिजाथिलाइ गथायनाया जागायबाय


उदां खालामनायनि सार्थयाव भिपिआइनि गेस सिलिन्डरनि सावगारियाव भट होनो थाखाय पेरुआ खावलायो। गुबुन फारसेथि पिआरपिनि बिजाथि रन्जय कुमार ब्रह्मआ बिजाथिलाइ गायथयनाय गावनि बिबुंथियाव गावखौनो देरहागोन होन्ना खौरं बिजोनि सिसाडव दाबि दैखाना लायो। कक्राझार बियाबआव इडपिपिएलआनो गावजौं गोखौ जुजिलायगोन होन्ना फोरमायो। गुबुन फारसेथि उदां बिजाथि राजकुमार पृथ्वराज नारायण देब मेचआबो बिजाथिलाइ गथायनायखौ नुनो मोन्दौं। हाग्रामा महिलारि दैदेनाय बिपिएफ दोलोनि बिजाथि फोसावनायनि समाव राजकुमार देब मेचखौबो बिजाथि महरै फोसावफादौंमोन। नाथाय उननि समाव बिथांनि मुंखौ फारिलाइनिफ्राय बोखारनानै खाम्फा बरगयारिखौ सायख 'यो। बिजाथिलाइ गथायनायनि उनाव खौरंगिरिफोरनि सिगाडव राजकुमार गावखौनो 80-90 जौखौन्दो देरहानायनि मिजिं दड होन्नां दाबि खालामना लायो। अदेबानि एनडिनि बिजाथि जयन्त बसुमतारिजौं गोखोडै जुजिलाइनाय जागोन होन्ना राजकुमार दाबि दैखाडो।

'खोख्लैनायनि सिगां-सिगांनो बे जाथाय जानायखौ लानानै गोबां सैथि सिखाडो। जर 'खायै 19 एप्रिलनि गिबि खोलोबनि भट जानो गोनां आसामनि मोन 5 बियाबआववो रेखाथिनि राहाखौ गोखौ खालामनानै होनाय जादौं। बेनि गेजेराववो बेबायदि गाग्लोबनाय जाथाय जानाय आयदाखौ लानानै राइज्यो नाइँनो सान्ने गोनां थासारि सोमजिदौं। फुंनि 8:00 रिगासो समाववो सोमजिनाय बे जाथायाव आसाम राइफलनि सासे रैनियाआ जोखोम जानायनि खौरं मोन्नाय जादौं। मिबथिनो मोन्नाय बायदिब्ला आसाम राइफलनि हान्जाया

बिबान सामलायखानानै गिदिफिन्नाय समाववो गिबियाव बिसोरनि गारियाव ग्रेनेड खुबेदेरो बेनि उनाववो फारसैथिजायबो गुलि गावलायनाय जाथाय जायो। बे गाग्लोबनाय जाथाय जानायनि उनाववो जाथायसालियाव रैनिया हान्जाया हेलिकप्टरनि गेजेरजौं नायगिदिनानै जोखोम जानाय रैनियाखौ बोखाना फाहामथायनि थाखाय फाहामसालियाव दैथायहरो। गुबुन फारसेथि गाग्लोबग्रा उतखारि हान्जाखौ नागरिनां ओन्सोलनाइने नायगिसंनयखौ जागायजेनबाय। बे जाथायखौ लानानै गासै ओन्सोलयाववो गिखानाय सोमजिदौं। ओन्सोलनि पुलिसजौं लोमोसे रेखाथि हान्जाया ओन्सोलखौ बेदिनानै नायबिजिसंगसिनो दड। गुबुन फारसेथि बे गाग्लोबनायखौ आलफा (उदां) आनो खालामदौं होन्ना रजि जानायखौ नुनो मोन्दौं। आफादनि फोसावथाय बिफाननि सोद्रोमा केपेन रुमेल असमा बे गाग्लोबनायखौ मोनसे खिथेर लानाय गाग्लोबनाय होन्ना दाबि खालामदौं। बिसरो बे गाग्लोबनायखौ लेपेनेन्ट ग्यान असम, सार्जेन्ट मेजर यादव आसाम आरो लेपेनेन्ट उदय आसामनि मुडव खिथेर लानानै गाग्लोबदौं होन्ना दाबि खालामनायखौ नुनो मोन्दौं।

फावखुंगुर सलमान खानआ गुलि गावनायनि उनाव गिबि खेबनि थाखाय न 'निफ्राय बाइजोआव ओंखारदों

बलिउड सुपरस्टार सलमान खाननि न'नि बाइजोआव गावलायनाया फावखुंगुरनि नख रजों लोगोसे बिथानि अन्सायगिरिफोरखौ जोबोद दुखु आरो गोजोन गैथे खालामदों। बे जाथायाव पुलिसआ अरायसम राहा लागसिनो दं। नख रनि जानाने आरबाज खानआबो समबारखालि मोनसे मावख 'आरि बिबुथि फोसावदों। बे जाथायनि उनाव सलमान खाननि गिबि भिडिअआ नुजाथिदों जेराव बिथाने गोवनि बिल्डिअफोरा ओंखारनाय नुनो मोन्नाय जादों। बे भिडिअफोरा समाजयारि बिजोडव फेनाय लोगो लोगो भाइरल जानो हमबाय आरो सुबु'फोरा



फावखुंगुरनि साहस आरो खामानि रादाइखौ बाखनायगासिनो दं। बे भिडिअआव गोबां रैखाथि गोहोफोरखौ नुनो मोन्नाय जादों। बे भिडिअआ समबार मोनाबिलिनि। बे भिडिअआ

सलमान खानखौ गावनि बिल्डिअफोरा ओंखारबोनाय नुनो मोन्नाय जादों। बिथानि गारिखौ गोबां रैखाथिनि गेजेराव बाइजोआव ओंखारबोनाय नुनो मोनो। बिथानि कारनि सिगाडव पुलिस गारिफोरनि मोनसे कनभयखौ नुनो मोनो। बेल' नख, गोबां पुलिसफोरखौ सलमान खाननि न'नि

बाइजोआव पेट्रल होनाय नुनो मोनो। बेयो रोखादि, सलमान खाननि रैखाथियाव जेबो गोरोबथा जायाखै। बिसोरखौ गोखों रैखाथिनि गेजेराव आरोबाव खामानियाव थानायखौ नुनो मोनो। बे समाव अन्सायगिरिफोरा बिसोरखौ नुना खुसि आरो बिसोरनि थाखाय आर'ज गाबागसिनो दं। जायखि

जाया बे भिडिअआव सलमान खाननि नुथायखौ नुनो मोन्नाय जायाखै। बिथानि गारिआ गोखे ओंखारो आरो बिथाने नुनाय जायाखै मानोना ग्लासआ गोजौआव दं। सानने सिगां सलमान खाननि न' गेलेक्सि एपार्टमेंटनि बाइजोआव गावलायनाय जाथाय जादोंमोन। बेनि उनाव रैखाथि मावथिफोरनि अन्जमाया बांदोंमोन। बेनि अनगायैबो मुम्बाइ पुलिसआ बांद्रायाव फावखुंगुरनि न'नि बाइजोआव गुलि गावने थाखाय बाहाय जानाय मटर साइकल फानग्राफोरखौबो नागिरना दिहुनदों आरो बिसोरखौबो खानाय जादों। क्राइम ब्रान्सआ बे गासैबो के सनि नायबिजिरनायाव गोखोडे नांथाबनाने दं। बे हाइ-प्रफाइल केसआव दायनिगिरि गावग्राखौ नागिरगासिनो दं।

तारक मेहता का उल्टा चश्मानि गोदान गारिआ बिमा-बिफानि खुसिजों सोमोन्दो गोनां



फावखुंगुरि पलक सिधवानीखौ आथिखालाव टिभिनि मुंदांखा सिरियाल तारक मेहता का उल्टा चश्माआव सनुनि फावआव नुनो मोन्नाय जादों। सुबु'फोरा श्वआव बिथानि आखुखौबो जोबोद मोजां मोनो। जिखि-जायामानो सिगांनि समाव सनु थामहिनबा पलक सिधवानीया तारक मेहता का उल्टा चश्मा नागारनायनि खौराडाव दडमोन। गुबैयै फावखुंगुरि पलक सिधवानीआ इनस्टाग्रामआव मोनसे भिडिअ सेयार खालामदों जेराव बिथाड बुंदोंदि, बिथाड तारक मेहतानि जोबथा एपिसडनि शुटि खालामगासिनो। जायनि उनाव बिथानि अन्सायगिरिफोरनि गेजेराव सोमावसारनाय लाबोदोंमोन। बे समावने पलक सिधवानीआ दायो गावनि गोदान कारनि बागै सावरायगासिनो दं। बावैसो सिगां पलक सिधवानीआ गावनि 26थि जोनोम सान फालिदों। बे जर'खा सानाव पलकआ गावने गंसे लकजारि कार अन्थोब महै होदों, जायखौ बिथाड ससियेल मिडियाआव मोनसे भिडिअ सेयार खालामनाने दिन्थिदों। बे भिडिअआव पलकआ लेखा बिलाइफोरव सागान होनायनिफ्राय लानाने गावनि नख रजों थबायनायसिम कारनि मोनसे नुथाय दिन्थिदों। जिखि-जायामानो बे भिडिअआव गोसोखौ देरहानो हानाय बुब्लिया जादों जेब्ला पलकखौ गावनि बिमाजों कारआव जिरायना रंजानाय नुनो मोन्नाय जादों। बे समाव पलकजों लोगोसे गोदान कार मोन्नायनि रंजानायखौ बिथानि बिमानि मोखाडव रोखायै नुनो मोनो। बे समाव बे भिडिअनि आन्देआव पलकनि गारां खोनानो मोनो। बे भिडिअआव पलकआ बुडोदि, आं आनि नैथि गारिखौ बायबाय। बेयो बांद्राय बेसेन गोसा नख नाथाय बेयो जोबोद जुनिया। पलकआ आरोबाव बुडोदि, मामानो उखुम नांगोमोन आरो पापाया गंसे गिदिर कार लुबैदोंमोन। आंनि फंबाय आरो आं सानैनिबो थाखाय खुसि। आं बिसोरखौ आंनि गासै जिउआव खुसि नायनो लुबैदों। मुलुगखौ गोजोन्थों। पलकनि बे भिडिअखौ नायखानायनि उनाव बिथानि अन्सायगिरिफोराबो बिथाने जोबोद गाजा-गोमजायै बरायदों।

रज 'नीकान्त आरो कमल हासनआ एस शंकरनि फिसाजो एश्वर्यानि हाबायाव बाहागो लादों

खोला सावथुननि दिथागिरि एस. शंकरखौ हिन्दुस्तानी, अपरिचित आरो रबट बायदि ब्लकबास्टार सावथुनफोरनि थाखाय मिथिनाय जायो। बिथानि फिसाजो एश्वर्या शंकरआ नैथि खेबनि थाखाय तरुण कार्तिकेयनजों जुलि जाबाय। गोबां साउथ सुपरस्टारफोराबो एश्वर्या शंकरनि हाबायाव बाहागो लादों, जायनि सावगारिफोरा ससियेल मिडियाआव जोबोद भाइरल जागासिनो दं। बेयाव खोलानि सुपरस्टार कमल हासन, थलाइवानि फावखुंगुर रजनीकान्त आरो अपरिचितनि फावखुंगुर भिक्रमजों लोगोसे खोलानि सुपरस्टार सूर्यानि मुंफोरा दं। बेनि अनगायैबो फावखुंगुरि नयनतारा, जायखौ बावैसो शाहरुख खाननि सावथुन जवानआव नुनो मोन्दोंमोन बिबो



गावनि फिसाइ भिग्नेश शिभनजों बे जुलियाव बाहागो लादों। एश्वर्या शंकरनि जुलिनि सावगारिफोराव गासैबो स्टारफोरखौ मोनसेनि बांसिन नुथायाव नुनो मोननाय जादों। बे समाव कमल हासनआ गोसोम गाबाव नुजादों जेराव रजनीकान्तआ क्रीम गाबनि दोरोडरि जुलिनि खसाव धुति-कुर्ता गादों। नयनतारनि नुथायनि बाश्रा बुडोब्ला, बियो बे जुलियाव

गलाव गाबनि साडी गानना सौफैदों, जेराव भिग्नेशखौ गुफुर धुति कुर्ता गान्नाय नुनो मोन्दों। गोदाने हाबा जानाय जरानि नुथायनि बादै रायज्जलायनायाव एश्वर्याया गावनि जुलिनि जर'खा फालिथायाव गोबां गाबनि लहंगा गादों। बिथाड मोनसे गिलिर जूरीजों गावनि नुथायखौ फोजेबदों। बे समाव एश्वर्याखौ मेकअप आरो खाफालाव जोबोद समायना नुदों। तरुणआ सना

गाबनि धुति-कुर्तायाव नुजादों। दिन्थिनाय सावगारिफोराव सानैनिबो जरखौ गावजों गाव बानायनाय नुनो मोनो। एश्वर्याआ एस शंकरनि देरसिन फिसाजो आरो बियो जिउ राहाजों सासे डाक्टर। तरुण कार्तिकेयनजों जुलि जानायनि सिगां एश्वर्याआ क्रिकेटर दामदरन रहितजों जुलि जादोंमोन। नाथाय बे जुलिया जाफुंसारखै आरो सानैबो गावसालायदोंमोन।

सिंधाम एगेन सावथुननि रिलिज अक्टआव आरोबाव सोलायनो हागौ



टिकट उइन्ड'आव मोनने गिदिर सावथुननि सौग्रावलायनाय जायोब्ला मोनसे नख गुबुन सावथुना खहा जायो। अक्षय कुमार आरो टाइगरनि फाव खालामनाय बडे मियां छोटे मियां आरो अजय देभगान स्टारार मैदानआ थानाय ससाहायाव चेलेन्ज हो ले। य दो मोन। सावरायगिरिफोरनिफ्राय मोजां बिसावरायनाय मोन्नायनि उनावबो मैदानआ मिर्जिथिनाय बायदि आरजिनायाव फेलें जानाय नुनो मोनो। खौरं मोन्नाय जादोंदि, अजयआ गावनि फेबाय थानाय आरो गोबां नेनाय सावथुन सिंधम एगेनआव फोथारनिफ्राय बे आयदाखौ बोजबना लानो थांगासिनो दं। रहित शेट्टीजों दिथाहोजानाय बे सावथुनखौ सिगाडव उदासि साननि फालिथायाव फोसावनायनि बिथांखि लानाय जादोंमोन। आल्लु अर्जुनजों फाव खालामजानाय पुष्पा: दा रुलआबो बे सानावने रिलिज जागोन। बेयो इं 2021 माइथायनि सावथुन पुष्पा: दा राइजनि सिक्केल जागोन। मैदाननि थासारिखौ नुनायनि उनाव रहित आरो अजयआ पुष्पा 2 जों मोगा-मोगि जानो लुबैया। सावथुनारि करिडफोरनि रिपटनि बादिब्ला, सिंधाम

गाहाम देहानि राहा

जामखौ बिलाइनिफ्राय लानाने कार्नेलसिम मुलाम्फा गोनां मानिनाय जायो

गोलोम बोथोराव गोसोम जाम (बेरि)फोरखौ बांसिन मोन्नाय जायो। आयुर्भेदआव जामखौ जोबोद मुलाम्फा गोनां होना मानिनाय जायो। जामखौ जर'खायै डाइबेटिसखौ सामलायनो थाखाय मोनसे गोहोम गोनां फिथाइ होना मानिनाय जायो। आयुर्भेदआव डाइबेटिस



बेरायमखौ सामलायनो थाखाय जामखौ बयनिखुइ सावसिन होना मानिनाय जायो। जामआ हासुदे आरो थैयाव सोमजिनाय सुगारनि बिबांखौ बाइइ खालामो। बेनि अनगायैबो जामआ उदै आरो डाइजेसनखौ सावसिन खालामो। जामआ हाथाइ, मेगन, मोखां, किडनीनि अन्थाय आरो लिभारनि थाखायबो मुलाम्फा गोनां। जामफोराव गोबां भिटाभिन आरो खनिजफोर मोन्नाय जायो। गोसोम बेरिफोरा आयरन, केलिशियम, कार्बहाइड्रेट, प्रटीन आरो फाइबरजों बुफननाय। फे जों मिथिनि डाइबेटिसआव बेरिखौ माबोरै बाहायनाय जायो। आयुर्भेदआव जामनि फिथाइ-सामथाय, कारनेल आरो बिलाइफोरखौ डाइबेटिस बेरामनि फाहामथाइ महै बाहायनाय जायो। डाइबेटिसआव बेरि जानाया जोबोद मुलाम्फा गोनां। जामनिफ्राय बांसिन मुलाम्फा

मोनो थाखाय जों गाहायाव होनाय आयदाफोरखौ मिलीग्रामसो जाम कार्नेलखौ फोरान्नाय आरो बेनिफ्राय पाउडार बानायनाय। डाइबेटिसआव सानसेआव 3 खेब 1-1 सामुस जानाया मुलाम्फा गोनां। 4. बेनि अनगायैबो 250 ग्राम बेरिखौ खावसे लिटार गोदौनाय दैयाव दोन। बेखौ दसे समनि थाखाय फुटुंनो हो। जेब्ला दैया गुसु जायो अब्ला जामखौ सुनांगोन आरो मोनसे सिजों फिल्टार खालाम। बे दैखौ सानसेआव 3 खेब लोंनांगोन। बेयो डायबेटिस बेरामिनि थाखाय गोबां मुलाम्फा होगोन। 5. गोबां बिबांनि जामखौ सानुडव फोरानना ला आरो पाउडार बानायनो थाखाय ग्रिन्ड खालाम। दानिया बे गुन्दैनि सानफ्रोमबो 10 निफ्राय 20 ग्राम ला आरो बेखौ सानसेआव 3 खेब जा। बेयो डायबेटिस बेरामिफोरनो मुलाम्फा होगोन।

मुंदांखा फावखुंगुरि एडस.एस. कीर्तनआ फाव दिन्थिनायनि मुलुगखौ नागारनाने सासे आइ.ए.एस. मावख 'गिरि जादोंमोन



इन्स्पेक्टर, लेडी कमिश्नर, जननी, कानूर हेग्गादाती, ओ मल्लीगे, हब्बा, डोर, सिंहद्री आरो पुतनी एजेन्ट बायदि गोबां टिभि सिरियालफोराव सासे खुदिया फावखुंगुर महै नुजादोंमोन। बबेखानि जेब्ला बिथाड देरदोंमोन अब्ला बियो सासे आइ.ए.एस. मावख 'गिरि जानो थिरांखा लादोंमोन आरो इडिपिएससि आन्जादनि थाखाय नुजाथिदोंमोन। नाथाय कीर्तननि थाखाय सासे फावखुंगुरि जानायनिफ्राय सासे आइ.ए.एस. मावख 'गिरि जानायसिम दावबायनाया गोलेनै नखमोन। बिथाड गिबि नाजानायाव आन्जादखौ उथिनो हायाखैमोन नाथाय कीर्तनआ गावनि सिमांफोरखौ जाफुंहोनो थाखाय गोब्राब नाजाबाय थादोंमोन आरो जोबनायाव द'थि नाजानायाव बिथाड एआइआर 167 जों इडिपिएससि आन्जादखौ उथिदोंमोन आरो गावनि गिबि नाजानायाव कर्नाटकनि मांड्या जिल्लायाव लेडइ कमिसनारनि मासि मोननो हादोंमोन। कीर्तनआ सासे आइ.ए.एस. मावख 'गिरि जानायनि सिगां 2011 माइथायाव कर्नाटक खुंथायारि सिबिथाय आन्जादआव नुजाथिदोंमोन आरो आन्जादआव जाफुंसार महै उथिदोंमोन। बे आन्जादखौ उथिखानायनि उनाव बिथाड नै बोसोरसिम केएएस मावख 'गिरि महै खामानि मावदोंमोन आरो जोबनायाव बिथाड इडिपिएससि आन्जादआव उथिदोंमोन आरो सासे आइएएस मावख 'गिरि जादोंमोन।

सएब इब्राहिमआ नैथि खुदियानि सोमोन्दै खंफोरथि होदों

दीपिका कक्कड़आ मोनसे समाव टिभिनि सासे मुंदांखा फावखुंगुरिमोन। दीपिकाया ससुराल सिमर काआव सिमरनि फाव खालामनाने गोबां मुंदांखा जादोंमोन। बबेखानि सएब इब्राहिमजों गावनि जुलिनि उनाव दीपिकाया सावथुन मुलुगनिफ्राय जानगाराव थादों। फाव खालामनानेफ्राय गोजानाव थानाय दीपिका कक्कड़आ सासे इडुटुबार जाबाय। बिथाड इडुटुब चनेलआव सानफ्रोमबोनि ब्लकफोरनि गेजेरजों गावयारि जिउजों सोमोन्दो गोनां आपडेटफोरखौ फोसावबाय थायो। थानाय बोसोराव बिथानेजोआ गिबि खेबनि थाखाय बिमा जादों। फावखुंगुरि आरो सएबआ रुहान मुनि सासे फिसाज्जलाखौ बरायदोंमोन। रुहाननि जोनोमनि बोसोरसे उनावबो खौरं फेदोंमोनदि, दीपिका कक्कड़ आरो सएब इब्राहिमआ फिन बिमा-बिफा जानो थांगासिनो दं। दीपिका कक्कड़नि गोबांआव थानायनि खौरानि गेजेराव सएबआ दायो नैथि गथ'नि बागै रायज्जलायदों। गुबैयै सएब इब्राहिमआ बावैसो इडुटुब चनेलआव मोनसे ब्लक सेयार खालामदों आरो गावनि फिसाज्जला रुहाननि सावसि आपडेट होदों। सानैबो रुहाननि गिबि इदिनि थाखाय जोबोद गोसो गुदुमोन नाथाय हरखाव लोमजानायनि जाहोनाव सानैबो जोबोद दुखु मोन्दोंमोन। सएब इब्राहिमआ बलगआव फिसाज्जलानि सावसि आपडेट होनायजों लोगोसे नैथि गथ'नि बागै रायज्जलायो, जाय दीपिकानि गोबांआव थानायनि खौरांखौ आरोबाव बांहोदों। फावखुंगुरआ बुडोदि, जुदि बिथांहा नैथि गथ' दं अब्ला बिथाड



सिगाडव गथ'फोरनि सोमोन्दै जानाय गासैखौबो मिन्थिगोन। बबेखानि बिसिनि गोबांआव थानायनि नंखाय रादाबनि सायाव बिथाड जेबो बुडुखैमोन। सएब इब्राहिमआ बलगआव बुंदोंदि, डाक्टरआ बुंदोंमोनदि बेयो जायो, बेनिखाय दायो नोंथाड मिथिबायदि, बेयो जायो। दायो जुदि माब्लाबा नैथि गथ' दं अब्ला नोंथाड मिथिगोदि मोनसे सम फेयो जेराव बेफोरबादि जाथाय जायो। माखासे सम सिगां दीपिकाखौ गावनि फिसाज्जला आरो फिसाइजों झलक दिखला जा-11 नि सेटआव नुनो मोन्दों। बे समाव दीपिकाखौ गोजा सेलवार-सूट गान्नाय नुनो मोन्दोंमोन। बिथांखौ दुपट्टाजों गावनि उदैखौ दोनखोमानाय नुनो मोन्दोंमोन। बेयो सुबु'फोरखौ साननो गोनां खालामदोंमोनदि, बिथांजोआ गोबांआव दंमोन। बबेखानि फावखुंगुरिया बे आयदायाव जेबो फिनजाथाय होआखैमोन।

2032 आव आमेरिकानि बिसायख 'थिया रबटआ देरहागोन: एलन मास्क

गोदान दिल्ली, 16 एप्रिल : गोदोखो आरो बिगियान दिहुन्थाइफोरनि फारसे गावनि रेंग 'थि आरो दिन्थिफुनायनि थाखाय मुंदांखा फालांगिरि एलन मास्कआ 2032 माइथायाव जानो गोनां आमेरिकानि हादतगिरि बिसायख 'थिखौ लानानै मोनसे इयुन हमदांदो। मंगल ग्रह 'आव आगान हैनायनि सिमांखौ जाफुंसारहोनो नांथाबनाय माल्टी बिलियनियर मास्कआ मोनसे समावको गोबां गोदोखोफोरखौ जागोखां होनाय आरो फालांगियाव नांथाबदो। माखासे सान सिगांनिक्रायको बिथाड आर्टिफिसियल इन्टिलिजेन्स (एआइ) नि थाखाय बांसिन खौराडव फैदो। बेनि गेजेरजो फिन खनसेबाव एलन मास्कआ 2032 माइथायाव आमेरिकानि हादतगिरि बिसायख 'थियाव रबटआ देरहागोन होन्ना बिबुंथिनि थाखाय खौराडव सागलोबसारदो। स्पेस एक्स, टेस्ला आरो एक्स कम्पनीफोरनि बिगोमा एलन मास्कनि बायदिल्ला, एआइया 10



बोसोरनि गेजेरावको गासै मुलुगाव आबुं गोहोम खोखौनो हागोन एबा खुंथाइ खुंगोन। हवाइट हाउसनि थाखाय भट होग्राफोर एबा भटारफोर महर सोलायको हाग्रा ट्रांसफरमार एबा चेट जिपिटि-कन्ट्रल डिपिउजन भटनि गेजेराव अन्साइजासिनको हागौ। 52 बोसोर बैसोनि मास्कआ सिगाडवको सांग्रानि होनानै बुंदोदि, 1 बोसोरनि गेजेराव एआइया सुबुंफोरनिक्राय बांसिन स्मार्ट जानो हागौ। बिथाड लज एन्जिल्सआव 10 थि बोसोरारि ब्रेक थु बान्था फोर्बोआव बाहागो लानानै बिबुंथियाव गावनि इयुन हमदांनय बाध्राखौ

बुंदो। जानो गोनां बिसायख 'थियाव सोर हादतगिरि जागोन होन्ना एलन मास्कनाव सोंथि सोनाय जादोमोन। बेनि फिनायखौ बिथाड मिनिनानै होयो आरो बुडोदि, 2032 आव हवाइट हाउसखौ सोर देरहागोन होन्ना नोंथाड सानो? मा रोखोमनि एआइया ट्रांसफरमार एबा डिपिउजन? होन्नानैबो बुडो। मख 'जाथावदि, सिगाडव जेव्ला बिथाड मोनसे एक्स पलआव सोंथि सोंदोमोन अब्ला 1.2 मिलियन भट मोन्दोमोन। बेनि गेजेराव 77.4 जौखोन्दो भटखौ ट्रांसफरमारआ मोन्दोमोन। ट्रांसफरमारआ 1984 आव

जापाननि कम्पनी टकारा टमिया दिहुन्नाय मोनसे रबट एबा गेलेग्रा, जाय गारि-मथर आरो जुनातफोर बायदि गुबुन गुबुन महराव सोलायको हागौ। आमेरिकानि बिसायख 'थिखौ लानानै सासे जर 'खागिरिया दाबि दैखांदोदि, इनब्रिडिं एआइ टेक्नीकआ बे बोसोरनि आमेरिकानि बिसायख 'थियाव गोखौ दोहो लाबोनो हागौ। बेफोरखौ बानायग्राफोरनि समखौ रैखा खालामनायनि थाखाय जेव्ला बेखौ गिबि खेब लाबोनाय जादोमोन अब्ला एआइ सिस्टेमखौ गोबां ट्रेनि होनाय जादोमोन। आथिखालाव एआइ-सुबुडारि मुवाफोरनि अन्जिमाया गोबां जानायनि जाहोनाव इन्टरनेटआव दोहो लाबोगासिनो दड; जैरे ब्लक पस्टनिक्राय लानानै आरिसुसिम माखासे एआइ जोन्थोरफोर आर्टिफिसियल महरै बानायजानाय मुवाफोरखौ बांसिनै बाहायको गोसो बोगासिनो दड आरो बेनिक्राय बि सायख 'थियावो बारग'याखै।

गोदान दिल्ली, 16 एप्रिल : एलन मास्कनि इलेक्ट्रिक कार बानायग्रा मुलुगनि मुंदांखा कम्पनी टेस्लाया गावनि मावफारियाफोरनि गेजेराव 10 जौखोन्दोनिबो बांसिन मावफारियाफोरखौ खमायको एबा बोखारको थांखि लानायनि खौराडा सोराडाव फैदो। मख 'जाथावदि, कम्पनीया गावनि फान्नाय हारा दावखलायनाय आरो बेसेन बांनयजो मोगा मोगि जानांनो दड। बेनि जाहोनावको कम्पनीया मावफारियाफोरनि अन्जिमाखौ बाडाइ खालामनायनि थांखि लादो। एलन मास्कआ 2022 माइथायाव कम्पनीनि मावफारियाफोरनि अन्जिमाखौ बाडाइ खालामनायनि थांखि खालामदोमोन। आमेरिकानि नेम-खान्थि दागिरिफोरनि फाइलिं बायदिल्ला टेस्लानि मावफारियाफोरनि अन्जिमाया 2021 नि जोबथायाव 100,000 निफ्राय बारयनानै 2023 नि जोबथासिमाव 140,000 निबो बांसिन



जाफैदो। बिबिदियाव 10 जौखोन्दो मावफारियाफोरखौ बाडाइ खालामोव्ला बिसोरनि अन्जिमाया 14 रोजा जागोन। समबारखालि टेस्लानि शेरारआ 5.6 जौखोन्दो दावखलायना 161.48 डलारआव बन्द'जादो। सोलिफु बोसोराव टेस्लानि शेरारफोरार 31 जौखोन्दो दावखलायनायखौ नुनो मोन्दो, जाय एसएन्डिपि 500 इन्डेक्सआव बयनिखुइबो गाचिसिन दिन्थिफुनाय शेरारफोरनि गेजेराव मोनसे। मास्कआ गासिबो मावफारियाफोरको दैथाइहरनाय मेलआव बुंदोदि, कम्पनीया गावनि जोगाखानायनि सिगांनि खोलोबनि थाखाय थियायारि खालामगासिनो दड। खरसाखो

बाडाइ खालामनो आरो दिहुन्थाइखौ बाडाइ खालामनो थाखाय कम्पनीनि मोनफ्रोमबो थाखायाव नोजोर होनाया जोबोद गोनांथार। बेनाजानायनि बाहागो महरै बिथांमोनहा फसंथानखौ गोथोयै नायबिजिरदो आरो मुलुगनां थाखायाव गावसोरनि मावफारियाफोरनि अन्जिमाखौ 10 जौखोन्दोनि बांसिन बाडाइ खालामनायनि गोत्राव थांखिखौ लानाय जादो। मख 'जाथावदि, टेस्लानि गारिफोरखौ फान्ना हानाया आमेरिकाजो लोगोसे चीनआवको दावखलायगासिनो दड। सोलिफु बोसोरनि गिबिसिन थाम दानाव कम्पनीनि व्हीकल डिजिलभारियाव दावखलायनाय थिसनो मोन्दो।

गासै 4 बोसोरनि गेजेराव टेस्लाया गिबि खेब बेबायदि जेनाजो मोगा-मोगि जानांदो। थामहिनबा बेनि फान्ना हानाया दावखलायदो। बेनि गेजेरजो कम्पनीया सुबुंफोरनि थाखाय बाडाइ बेसेनाव मोन्को हानाय इभि बानायनायनि प्लेनखौबो केन्सेल खालामदो। टेस्लाया खम बेसेनाव मोन्को हानाय कार बानायनो नागिरदोमोन, जायनि बेसेनखौ 25,000 डलार जागोन होन्ना आसा खालामदोमोन। इन्वेस्टारफो बे मडेलखौ लानानै गोखौ फोथायनाय लादोमोन। मडेल 2 मुडे मिबिथिजानाय बे कारखौ बानायनाय हाबाफारिया 2025 नि जोबथासिमाव जागायगोन होन्नाबो मास्कआ बुंदोमोन।

टयटा इन्वभा हाइक्रस जिएक्स (अ) खौ 20.99 लाखआव लन्व खालामबाय

गोदान दिल्ली, 16 एप्रिल : टयटा किलस्कार मथरआ टयटा इन्'भा हाइक्रस जिएक्स (अ) भेरिएन्टखौ लन्व खालामबाय। कम्पनीया बे लाक्जारी कारखौ 20.99 लाख रनि जागायनाय बेसेनजो लन्व खालामो। बे गोदान जिएक्स (अ) भेरिएन्टखौ नन-हाइब्रिड भार्जनआव मोन्को हागोन। कम्पनीया सिगाडवको पेट्रल हाइक्रस मोन्ने भेरिएन्ट जि-एसएलएफ आरो जिएक्सखौ फानगासिनो दड। बिबिदो जिएक्स (अ) भेरिएन्ट गोदान इन्'भा हाइक्रस पेट्रल चेगमेन्ट टप-एन्ड भेरिएन्टआव मोन्को हागोन। गोदान भेरिएन्टआ जिएक्सनिक्राय जौसिन जागोन आरो बेनि बेसेना जिएक्स




भेरिएन्टनिक्राय 1 लाख रं बांसिन। बेयो एमपिभि 7 आरो 8 स्तार मोन्नेबो अप्पानआव लाबोजागोन। इन्'भा हाइक्रस जिएक्स (अ) पेट्रलआव 2.0 लिटार, 4 सिलेन्डर पेट्रल इन्जिन लागायनाय दड, जाय

173 इचपिनि पावार आरो 209 एनएमनि टार्क होयो। बेयो सिंभिटि अट'मेटिक गियार बक्सजो लोगोसेल' फेगोन। इन्'भा हाइक्रसनि मोन्नेबो इन्जिनआ फ्रन्ट व्हील ड्राइभल' जागोन आरो बेयाव मेनुएल

ट्रान्समिशननि अप्पान मोन्नाय नडा। टयटा हाइब्रिडआव 23.24 केपिएलनि माइलेस मोनगोन होन्ना दाबि दैखानाय जायो। फारसेथिं पेट्रल भेरिएन्टआव 16.13 केपिएलनि दाबि दैखानाय जादो। महिन्द्रा

एक्सइडिभि 700 आरो स्करपिय एन, हुन्डाइ एल्कजार, एमजी हेक्टर प्लास आरो टयटा साफारी बायदि गारिफोरजो टयटा इन्'भा हाइक्रसआ बादायगोन। गोदान भेरिएन्टआव एप्पल कारप्ले/एन्ड्रिट अट'जो लोगोसे 10.1 इन्सि टास स्क्रिन इन्फटेनमेन्ट सिस्टेम, ड्युयेल-टन एन्टिरियार, अट'मेटिक क्लाइमेट कन्ट्रल, रियार अट'मेटिक ब्लआर कन्ट्रल, ड्युयेल टन शिट, सफ्ट टास डेशबोर्ड होनाय जादो। लोगोसेनो एलइडि फ्रन्ट फग लेम्प, रियार रिट्टे कटेबल सानसेट, 360 डिग्री केमेरा आरो फ्रन्ट पार्किंग सेन्चर लागायनाय दड। एमपिभिआव चेस्टनाट इन्टिरियार टीम, डेशबोर्ड आरो डर पेनेलआव सफ्ट टास आरो रियार सानसेटबो होनाय जादो। बे मडेलखौ मोन 7 गाबआव मोन्को हागोन।

मुंदांखा फुटबलार कच सैयद आबुल रहिमआ फावखुंगुर अजयनि सावथुनआव जायगा मोन्दो



गोदान दिल्ली, 16 एप्रिल: बलिउड सावथुन मैदानआव मुंदांखा फुटबल कच सैयद आबुल रहिमनि जिउ जारिमिनखौ बरनायनायनि सल'खौ होनाय जागोन। मानोना आबुल रहिमआ 1960 जौथायाव भारतीय फुटबलनि फोथारआव सासे जाफुंसारनाय फुटबलारमोन।

अमित शर्माजो दिथा होजानाय बे सावथुनआव फावखुंगुर अजय देबगानआ आबुल करिमनि फाव खालामदो। आबुल रहिमआ 1950 निफ्राय 1963 सिम थामहिनबा 10 बोसोरनिबो बांसिन सम भारतीय फुटबल हान्जानि कच महरै भारतीय फुटबलखौ मुलुग दरबारआव

जर 'खायै सिनायथि होदो। बे समाव बिथांखो भारतीय फुटबलनि गल्डेन इरा मानिनाय जायोमोन। मानोना 1951 आरो 1962 आव जालानाय एसियान गेम्सआव भारतआ गने सनानि मेडेल देरहादोमोन। सैयद आबुलआ 1909 नि 17 आगस्टआव हाइद्राबादआव जोनोम मोन्दोमोन। बिथाड कचिनिफ्राय गावनि बिबानखौ 1943 आव जागायदोमोन। जेराव बिथाडा हाइद्राबाद फुटबल एस'सिएसननि कामान्दखौ सामलायदोमोन। थामहिनबा बिथांनि दैदेनाय आरो नोजोरथि होनायावको भारतीय फुटबल हान्जया सिगां फासै आवगायदो।

पेरिस अलिम्पिक 2024 नि अपेनिं सेरेमनीआव माखासे सोलायनाय लाबोनो हागौ



पेरिस, 16 एप्रिल: सोलिफु बोसोरावको अलिम्पिक इभेन्टआ फ्रान्सनि राजथावनि पेरिसआव जागायगोन। बे इभेन्टआ फैगौ 26 जुलाइनिक्राय 11 आगस्टसिम सोलिगोन। जायनि थाखाय भारतआ बे खेबआव बांसिनै मेडेल देरहानो थाखाय मुखुब जानानै दड। बेबादि थासारिनि गेजेरावको पेरिस अलिम्पिकनि अपेनिं सेरेमनीजो सोमोन्दो थानाय माखासे खौरांफोरा सोराडव फैदो। बे इभेन्टनि थाखाय जानो गोनां अपेनिं

सेरेमनीआव माखासे गिदिर सोलायनाय नुनो मोन्को हागौ। फ्रान्सनि हादरगिरि इमानुएल मेक्रनआ फोरमायनाय बादिब्ला, खुंफुनाय बिथांनि बादिदै सिन्धु दैमायाव जानो गोनां पेरिस अलिम्पिकनि बेखेवजेन्नाय हाबाफारिखौ रैखाथियारि जाहोननि थाखाय नेसनेल स्टेडियाम स्टेड डि फ्रान्सआव खुंफुनायबो जानो हासिगौ। पेरिस अलिम्पिक आरो पेरालिम्पिकनि सिगांनो फ्रान्सआव रैखाथिनि थाखाय गिदिर थियारि खालामनाया

दानिक्रायको सोलिगासिनो दड। मानोना बे इभेन्टआव गुबुन गुबुन हादरनिफ्राय गोबां नायगिरिफोरा सौहैनो हागौ। बे इभेन्टनि बेखेवजेन्नाय हाबाफारिआव सा 10500 निबो बांसिन गेलेगिरिफोरखौ नावनि गेजेरजो सिन्धु दैमायाव 6 कि:मि: जान्थायसिम पेरड खालामनाय जागोन आरो नायगिरिफोरा दैमानि रुगुडव जिरायनानै बेखौ नायनायनि खाबु मोनगोन। नाथाय फैगौ 26 जुलाइखालि जानो गोनां बे हाबाफारिनि थाखाय

रैखाथियारि जाहोननि गुबुन गुबुन खोलोवआव नोजोरथि थानांगोन। बेबादि जायोव्लासो बेबादि मिजिंथिजो बेखेवजेन्नाय हाबाफारिखौ खुंफु'नो हागोन। लोगोसे जाफुंसारोव्ला स्टेडियामनि बाइजोआव खुंफुनाय गिबि अलिम्पिक बेखेवजेन्नाय हाबाफारिआ जाफुं'गोन। फ्रान्सनि माखासे खौरां बिजोनिसिम होनाय सोंथिनि फिनआव हादरगिरि मेक्रनआ रैखाथियारि थाखाथियारिआव मोजाडै जाफु डोव्लासो मिजिंथि बादिदै दैमायाव बेखेवनाय हाबाफारिखौ लागोननि खोथा होदो। लोगोसे रैखाथियारि जाहोनआ गहाय थाखोनि जायोव्ला सिन्धु दैमायाव खालामनो थांखि लानाय पेरडनि हाबाफारिखौ फिसा खालामनो हागौनि बाध्राबो बुंदो। बेनि अनगायै बिथाडा बेबादि खालामनाय जायाव्ला हाबाफारिखौ नेसनेल स्टेडियाम स्टेड डि फ्रान्सआव खुंफु'नो हागौनि खोथा होदो।

इज्राइल-इराननि दावहाजो भारतयारि एक्सपर्टआव गोहोम गोग्लैनाय नडा: सुनिल बर्थवाल

गोदान दिल्ली, 16 एप्रिल : फालांगियारि नेहाथारि सुनिल बर्थवालआ बुंदोदि, इज्राइल-इराननि दावहाजो भारतनि एक्सपर्टआ आथिखालाव जेबो गोहोम गोग्लैयाखै। मानोना बेयो मोनसे ओन्सोलारि थाखोनि जेना। अदेबानि बे जेनाया गोबाव सम सोलियोव्ला भारतआबो गावनि थाखाय थि थांखि आजावगोन आरो समखौ नोजोर होनानै थांखिखौ लागोन। फालांगियारि उद्यम मावख'या इज्राइल-इरान जेनानि सायाव गोखौ नोजोर लाखिगासिनो दड। फारसेथिं सिपिं मिनिस्ट्रीजो लोगोसे पेट्रलियाम मिनिस्ट्रीजोबो लांश्र्यै फोनांजाव लाखिनानै दड। फारसेथिं बै दरनै हादतनि गेजेराव सोलिनाय जेनाजो लजिस्टिक गोनांथियाबो बांनयनि आसा दड, जायजो एक्सपर्टआव बांसिन रांखाथिनि गोनांथि जानो हागौ।



पेट्रलियामनि थाखाय भारतआ इन्पर्टनि सायावको सोनारनांगौ जायो। बेनिखायको बेनि सायाव नुजाथि फैथाव मोनफ्रोमबो आयदायावको नोजोर लाखिनाय जादो। बर्थवालआ बुं'बावदोदि, भारतीय एक्सपर्टआव गुबुन गुबुन लामाफोरा ओंखारदो। गोदान गोदान बाजार नागिरनाय

जादो आरो एक्सपर्ट बास्केटआव गोदान गोदान दिहुन्थाइफोरखौ लाफानाय जादो। बेनिखायको भारतनि एक्सपर्टआव गोहोम गोग्लैनाय जायाखै। थानाय बोसोरावको भारतआ बे रोखोमनि गोबां जेनाफोरखौ नुबोदो। नाथाय गोहोम गोग्लैयाखै। गुबुन फारसेथिं पेडारेशन अफ

इन्डियान एक्सपर्ट अर्गानाइजेशन (पिअ) नि आफादगिरि आशिवनी कुमारआ फोरमायदोदि, इज्राइल-इराननि जेनाजो सिगांनिक्रायको सोलिबोनाय रेड सिनि टेक्सफोरा बांगोन, जायजो मुवाफोरनि साप्लाइ आरो इन्सुरेन्सनि रांखाथिया बांनो हागौ।

आइपिएलनि सोलिफु सिजनआव आरसिबिनि हान्जाया गाजि थासारिजों समखौ बारहोनादों

गोदान दिल्ली, 16 एप्रिल: आइपिएलनि 17 थि सिजनआव आरसिबिनि हान्जाखौ गाजियै दिन्थिफुनाय नुनो मोनागसिनो। फफ डुलेसिसिनि केपेनआव रयेल सेलेन्जास बेंगालुरुनि हान्जाया बेबादि थासारिनि गेजेरावबो मोनसे जेंनायाव गोग्लैबावबो हमदों। आरसिबिआ सोलिफु सिजनआव गेलेनाय खेब 7 मेचनि खेब 6 मेचआवबो जेनादों। बेबादि थासारियावबो हान्जाया ग्लेन मेक्सवेलखौ खोमानांनो हासिगौ। जाउनाव आरसिबिनि अन्सायगिरिफोरनि गोसोआव फिन गिखांनया लाबोदेरबावदों। मानोना मेक्सवेलआ गावनि देहायारि आरो गोसोयारि थासारिखौ नोजोर होनानै गेलेनायनिफ्राय ब्रेक लानायनि थांखियाव फेंबाय। सानराइजार्स हाइद्राबादिन हेंथायै जालानाय मेचनि सिगां बे थांखिखौ लानानै हान्जानि केपेन फफ आरो मेनेजेमन्टनिसिम खौरां होनानै गावनि जायखारगोनखौ फोरमायदों। बेनि सिगां गावनि जायखारगोन सायाव



खौरांगिरिनि सोंथियाव बिथाडा फिटआव फैनो हायैखौ जाहोन फोरमायदोंमोन। मानोना आरसिबिनि जोबथा मेचआव मेक्सवेलआ आसिआव गोब्राब जोखोम मोन्दोंमोन। ग्लेनमेक्सवेलआ सोलिफु आइपिएलनि गेजेराव गावनि ब्रेक लागोन खौरांखौ प्रेस कन्फारेन्सनि गेजेरजों फोरमायदोंमोन। लोगोसे बे समाव बिथाडा गावनि केरियरआव मददआव फैनय बयनिसिमबो साबायख'र हरदोंमोन। थांनया माखासे सिजनआव पावारप्ले जोबनायनि उनाव मिडिल अभाअरआव गावसोरनि मोजाडै

दिन्थिफुनायखौ फोरमायनानै सोलिफु समाव बे फर्मनिफ्राय जायखारनानै गाजि थासारिजों समखौ बारहोनांनयाखौ बिथाडा दुखु मोन्नाय फोरमायदों। लोगोसे लीगआव बाहागो जानानै दिन्थिफुनायखौ मोनसे गिदिर सेलेन्ज फोरमायो। जायनि थाखाय बिथाडा उननि समाव गावनिफ्राय साबसिनै दिन्थिफुनाय होनो हागोननि मिजिंथि लादों। मेक्सवेलआ गावनि फोसावनायाव मुंखौ बोखानानै लाफिन्नायखौ गावयारि जाहोन आरो देहायारि थासारिखौ फोरमायदों। बेनि थाखाय बिथाडा थांनया माखासे सानफोरनि गेजेराव गाजियै

दिन्थिफुनायखौ बाउगारनानै बे खेबनिफ्राय मोजाडै दिन्थिफुगोननि फोथायथि होदों।

अमित फंघालआ अलिम्पिक क्वालिफायरनि थाखाय भारतीय हान्जायाव जायगा मोनो हान्दों



गोदान दिल्ली, 16 एप्रिल: वर्ल्ड सेम्पियनसिपआव ब्रन्ज मेडल देरहानाय अमित फंगालआ बेंककआव फेंगौ 25 मेनिफ्राय 2 जुनसिमनि गेजेराव जानो गोनां जोबथा अलिम्पिक क्वालिफाई दुनामेन्टनि थाखाय भारतीय बक्सिं हान्जायाव जायगा मोनबाय। थांनया दानआव इटलीआव जालानाय अलिम्पिक क्वालिफायरआव गाजियै दिन्थिफुनायनि उनाव सा 5 बक्सारफोरखौ नैथि वर्ल्ड क्वालिफिकेसन दुनामेन्टनि थाखाय टीमआव जायगा होयाखै। भारतनि हाइ पारफर्मन्सनि दिथागिरि बर्नाई दुनेआबो गावनि मासिखौ एंगारबाय। वर्ल्ड सेम्पियनसिप 2023 नि ब्रन्ज मेडेलिस्ट दिपक भरियाआ 51 कि:ग्रा: आरो महम्मद हुसामुद्दिनआ 57 कि:ग्रा: केटेगरिआव जायगा मोन्दों। बिसोरनि अनगायै खेब 6 एसियान सेम्पियनसिपआव मेडल देरहानाय शिब तापाआ 63.5 कि:ग्रा:, सोलिफु वर्ल्ड सेम्पियन लक्ष्य साहरआ 80 कि:ग्रा: आरो 2022 कमनवेलथ गेम्सआव ब्रन्ज मेडल देरहानाय जे लाम्बरियाआ 60 कि:ग्रा: लिस्थायारि केटेगरिआव भारतीय हान्जायाव जायगा मोनाखै। वर्ल्ड सेम्पियनसिप 2019 नि सिलभार मेडेलिस्ट, कमनवेलथ गेम्स 2022 आरो 2024 स्टेन्जा मेम'रिएल दुनामेन्टआव सनानि मेडल देरहानाय अन्तिम फंगालनिसिम नैथि अलिम्पिक क्वालिफायरआव मोजाडै दिन्थिफुनानै अलिम्पिकआव सौहेनो मोन्नायनि खाबुआ थागोन। नेसनेल सेम्पियन सचिन सिभासआ 57 कि:ग्रा: लिस्थायारि केटेगरिआव हान्जायाव जायगा मोन्दों। हिमाचल प्रदेशनि अभिनास जामवालआ 63.5 कि:ग्रा: केटेगरिआव तापानि जायगा लागोन। जेराव अभिमन्यु लाउयाआ 80 कि:ग्रा: केटेगरिआव लक्ष्यनि जायगा लागोन। मख'नो गोनांदि, दासिमाव भारतनिफ्राय रावबो हौवा बक्सारफोर अलिम्पिक कथा मोनाखै। दासिमाव निकत जरिनआ 50 कि:ग्रा:, प्रिति पनवारआ 54 कि:ग्रा:, परभिन हुदाआ 57 कि:ग्रा: आरो लाभलिन बरगहाइआ 75 कि:ग्रा: केटेगरिआव आइजोफोरनिफ्राय अलिम्पिक कथा मोनफुबाय। आइजो केटेगरिआवबो अकुशिता बर'आ इटलीआव 66 कि:ग्रा: कथा मोनफुनो हायैआव 60 कि:ग्रा: लिस्थायारि केटेगरिआव सेलेन्ज लाखिगोन। बिथांजों लोगोसे अरुनदति चौधुरिआबो 66 कि:ग्रा: केटेगरिआव ओंखारगोन।

डिनेश कार्तिकआ सोलिफु आइपिएलआव बयनिखुइ जानसिन 6 राननि बेटिं खालामदों

गोदान दिल्ली, 16 एप्रिल: सोलिफु आइपिएलआव डिनेश कार्तिक आ सानराइजार्स हाइद्राबादिन हेंथायै गेलेनाय मेचआव गोजानसिन 6 राननि बेटिं खालामनाय रेकर्ड थिसदों। बिथाडा एम टीन्ना स्वामी स्टेडियमआव सि नतराजननि बलिंआव 108 मिटर जान्थायनि 6 रान बेटिं खालामदों। डिनेशआ नतराजननि खुबैनाय इन्सिन 12 थि आभारनि गिबि बलआव लेगसाइडआव वाइड शट गेलेदों। बे शटआव बिथाडा एरैबादि गोहोखौ बुदोंदि, जेराव बलआ स्टेडियमआव नांथानानै



रिवाउन्स जाबोदों। कार्तिकनि बे शटखौ नुनानै सानराइजार्स हाइद्राबादिन केपेन पेट कमिन्सआबो दसे सम गोमोदों। जेराव बिथांनि बेटिं खालामनाय आरो कमिन्सनि गोमोनाय भिडिअ क्लिपआ आथिखालाव गोखैयै भाइरेल जागासिनो दड। कार्तिकआ बे बेटिंजोंनो सोलिफु आइपिएलआव गोजानसिन 6

रान लानायनि रेकर्ड थिसनो। बे समाव बिथाडा 2 घन्टनि गेजेराव हेनरिक क्लासेननि 106 मिटर जान्थायनि 6 रान लानाय रेकर्डखौ सिफायो। क्लासेननि अनगायै कलकाटा नाइट राइडर्सनि भेंकेटेस अन्तर आरो लखनौ सुपर जइन्टनि निकलास पुनआबो 106 मिटर जान्थायनि 6 रान लाखांबाय। मख'नो

गोनांदि, आरसिबि आरो एसइसनि गेजेराव गेलेनाय बे मेचआव राननि फारिआव माखासे रेकर्डफोर थिसनजादों। हाइद्राबादिआ गिबियै बेटिं खालामनाय आइपिएलनि जारिमिनआव देरिसिन स्कर बनयदों। एसआरइसआ गासै 20 अभाअरआव 3 उइकेट खोमानानानै 287 रान लानायनि फिन्नायाव आरसिबिआ गोखोडै बेटिं खालामदोंब्लाबो 20 अभाअरआव 7 उइकेट खोमानानानै 262 रानल' लाफिन्नो हादों। बे समाव डिनेश कार्तिकआ 35 बलआव खेब 5 ब्रै रान आरो खेब 7 ड' रान लानायनि मददजों 83 रान लाखिदों।

हार्दिक पन्डियाआ गाजियै फलप जादों



गोदान दिल्ली, 16 एप्रिल: टी-20 वर्ल्ड काप 2024 नि थाखाय भारतीय क्रिकेट हान्जानि फारिलाइ फोसावनाया थाखियाव सौफेंगासिनो दड। फेंगौ जुन दानआव जानो गोनां वर्ल्ड कापनि थाखाय सा 15 गेलेगिरिफोरा सायख'जागोन। जायनि फारिआव जायगा मोनगोनखौ लानानै गेलेगिरिफोरनि गेजेराव गोजों गाहाइ मोन्दांथिफोरा सोलिगासिनो दड। मानोना सायख'ग्राफोरा सोलिफु आइपिएल लीगनि दिन्थिफुनायनि सायाव नोजोर होगासिनो दड। बेबादि थासारियावबो मुम्बाइ इन्डियान्सनि केपेन हार्दिक पन्डियाआ लीगआव मोजां फर्मनि बाइजोआव दिन्थिफुनासिनो दड। जायनि थाखाय वर्ल्ड कापनि फारिआव बिथांनि जायगा मोनगोनआ सन्देह जानानै फेयो। मानोना पन्डियाआ बलिं आरो बेटिं मोननैबो फारिआव मोजाडै दिन्थिफुनो हायाखै। खौरांनि बादिब्ला, वर्ल्ड कापनि सेलेक्सनखौ लानानै थांनया माखासे सानफोरनिफ्रायनो भारतीय हान्जानि केपेन रहित शर्मा, गाहाइ कच रहलु द्रविड आरो सिफ सेलेक्टर अजित आगरकरनि गेजेराव मोनसे जथुम्मा जानानै थाडे। रिपटनि बादिब्ला, हार्दिकनि भारतीय हान्जायाव जायगा मोनगोनआ बिथांनि बलिंनि सायाव दिन्थिफुनायासो नोजोराव थागोन। थामहिनबा बिथाडा भारतीय हान्जायाव जायगा मोनोब्ला बांसिनै बलिंआव

गोसो होनांगोन। जथुम्मानि बादिब्ला, सावरायनायाव बांसिनै बलिंजों लोगोसे मिडिल अडांरआव मोजाडै बेटिं खालामनायनि सायाव सायख'गिरिफोरा नोजोर लाखिदों। पन्डियाआ सोलिफु आइपिएल लीगआव मुम्बाइ इन्डियान्सनि केपेनआव दड। नाथाय बिथांनि कामान्दआव बिथांनि हान्जाया लांन्थियै खेबथाम मेच जेनबाय। बेनि उनाव बे हान्जाया दासिमाव खैबनैल' मेचआव देरहादों। पइन्टनि फारिआव 4 पइन्टजों बे हान्जाया 8 थि नम्बरआव जायगा मोनो। बेबादि समाव बे हान्जानि टप 4 आव

सौहेगोनआ सन्देहआव दड। हार्दिकआ गावजों लोगोसे गुबुन गेलेगिरिफोरखौबो हान्जानिफ्राय मोजाडै दिन्थिफुनो हायाखै। जाउनाव अन्सायगिरिफोरा बिथांनि बेटिंखौ लानानै जिंगायाव दड। बिसिसिआइनि सेलेक्सन कमिन्सआ भारतीय हान्जायाव सासे एरैबादि गोखौ बलार नागिरनानै दड, जाय जोबथा अभाअरआव फेंनानै मोजाडै बेटिंखौ खालामनो हागोन। बे फारिआव हार्दिकआ नोजोराव फें योब्लाबो बिथांनि दिन्थिफुनाया हान्जायाव जायगा मोनजाथाव जानानै गैया। मुम्बाइनि हान्जाया सोलिफु आइपिएलआव खेब 6 मेच गेलेबाय। बेनि गेजेराव बे हान्जानि खेबब्रै मेचआव बलिं खालामदों। हार्दिकआ दासिमाव खालामनाय खेबब्रै बलिंआव 3 उइकेट लाबाय। बे समाव बिथांनि दिन्थिफुनाया 12 राननि इकनमी रेटजों समानआव गोग्लैयो।

महन बागान एफ.सि.आ गिबि रवेब आइ एस एल लीग 2023-24 नि बिमुं देरहानो हादों



गोदान दिल्ली, 16 एप्रिल: महन बागानआ सुपर जइन्स इन्डियान सुपर लीग 2023-24 नि बिमुंखौ देरहाबाय। नख'गरि फोथार सल्ट लेक स्टेडियमआव गेलेनाय बे मेचआव बागाननि हान्जाया मुम्बाइ सिटि एफसिखौ 2-1 गल स्करिआव फेजेन्दों। लोगोसे बे देरहानायजोंनो बागाननि हान्जाया पइन्टनि फारिआव आवगायदों। महन बागानआ गिबि खेब लीग बिमुं देरहादों। हान्जानि जानानै मेचआव लिस्टन कलाक' आरो जेसन कमिन्सआ 1-1 गल सोदों। बे गरनैबो गलआव मदद होनायनि थाखाय दिमित्रियस पेट्राटसोनो प्लेयार अफ दा मेच बान्थाखौ गथायनाय जायो। मुम्बाइ सिटिनि जानानै गरसेल' गलखौ उइंगार लालियान्जुवालाआ सोनो हादों। महन बागाननि हान्जाया खेब 22 मेच गेलेनायाव खेब 15 देरहानाय, खेबथाम इ गेलेनाय आरो खेबब्रै जेनायजों 48 पइन्ट आर्जिनानै पइन्टनि

फारिलाइआव थामथि मासिनफ्राय जौसिनआव सौहेनानै लीगआव बिमुं देरहादों। मुम्बाइ सिटि एफसिआ बे फारिआव खेब 22 मेचआव खेब 14 देरहानाय, खेब 5 इ आरो खेबथाम जेनायजों 47 पइन्ट आर्जिनानै नैथि नम्बरआव जायगा मोन्दों। मेचआव गिबियै 28 मिनिटआव गल स्करिआ जुरिजेन्दों। बे समाव उइंगार लिस्टन कलाक'आ महन बागाननि डिफेन्डरखौ थगायनानै 1-0 स्करिआव आवगायजेन्दोंब्लाबो उननि समाव हान्जानि गेलेगिरिफोरा मिजिंथिनि बाइजोआव दिन्थिफुदों। अस्ट्रेलियान स्ट्राइकार डिमिट्रियस पेट्राटसआ एटाकिं थार्डेनिफ्राय बक्सनि बाइजोनि आगसि फार्से लिस्टननो बलखौ पास हरनायाव लिस्टनआ खेखौ गोरोन्थि गैयालासे गलनि महर होदों। नैथि हाफआव मोननैबो हान्जानिफ्राय 1-1 गल सोनाय थिसनजादों। बे मेचनि 80 मिनिटआव अस्ट्रेलियान स्ट्राइकार जेसन कमिन्सआ गल सोनानै बागाननि आवगायनाय स्करिखौ गोखौसिन खालामदों। बे मेचनि 80 मिनिटआव अस्ट्रेलियान स्ट्राइकार जेसन कमिन्सआ गल सोनानै बागानखौ 2-0 स्करिआव आवगायहोदों। नाथाय बेनि उनाव 89 मिनिटआव लालियान जुवालानि सिजनआव 7 थि गल सोनायजों मुम्बाइ सिटि एफसिआ 1-2 स्करिआव आवगायफिन्नानै हां मोनफिनो। अब्लाबो मुम्बाइनि हान्जाया उननि समाव मिजिंथिनि बाइजोआव दिन्थिफुदों।

हारियानानि पालकआ शुटिआव अलिम्पिक कथा आर्जिदों



गोदान दिल्ली, 16 एप्रिल: हंजौ एसियान गेम्सआव सनानि मेडल देरहानाय पालकआ शुटिआव हादरनि 20 थि अलिम्पिक कथा लाबोदों। बिथाडा ब्राजिलनि रिय-डि जेनेरियआव जालानाय जोबथा अलिम्पिक क्वालिफाई इभेन्टआव 10 मिटर इयार पिस्टलनि बादायनायाव ब्रन्ज

मेडल देरहादों। बे समाव भारतनिनो संयमआ बाथि नम्बरआव जायगा मोन्दों। आर्मेनियानि एल्मिरा कारापेत्यानआ सना आरो थाइलेण्डनि कमनलाक साएन्साआ सिलभार मेडल देरहानानै अलिम्पिक कथा मोनो हायो। पालक आरो संयमआ 578 नि समान स्कर रिजों बे

इभेन्टनि फाइनलाव सौहेदोंमोन। नाथाय फाइनलाव बिसोर सानैबो उनाव थांनदोंब्लाबो जोबनाय फार्से आवगायफिन्नानै सिगां फार्से थाहैफिन्दों। हांगेरिनि भेरनिका मेजरआ मोनसे समाव बयनिबो सिगाडाव थादोंब्लाबो जोबनायाव उनाव थाहैदों। जायनि फिथाइ महेरै पालकआ आवगायनो हादों। 19 थि शटआव पालकआ .6 पइन्टजों मेजरनि सिगाडाव थादों आरो बिथाडा थामथि नम्बरआव सौहेदों। नाथाय संयमआ अब्लाबो सिगां फार्से आवगायनायाव फेलें जाहैयो। थामथि आरो ब्रैथि मासिनि बादायनायाव मेजरनि 10 नम्बरआव शुट खालामनायाव फेलें जायो। जायनि उनाव पालकआ ब्रन्ज मेडल देरहायो।

NERIM GROUP OF INSTITUTIONS
Affiliated to Dibrugarh University, Gauhati University & ASTU
Approved by NCTE, BCI & AICTE, MoE, Govt. of India
Estd. 1992

Counselling is going on for the following Under Graduate and Post Graduate programmes for the Academic Session 2024-25.

MBA (Full Time) 2-year AICTE approved	MBA (P/T) 3-year	M.Sc. 2-year (Computer Science)	PGDM 2-year
BBA 3-year	BCA 3-year	B.Com(H) 4-year	BA 4-year (Psychology)
MA 2-year (Appl. Psychology)	MCA 2-year AICTE approved	M.Com 2-year	MSW 2-year
PGDCA 1-year	LLB (H) 3-year	BSW 4-year	MA (Education) 2-year B.Ed 2-year

ACADEMIC ACHIEVEMENT

We are proud of our Students for their outstanding performance in **MBA Final Examination 2023** under Dibrugarh University.
(Top 20 Rank Holders)

 Sneha Modi 1st class 1st	 Sharmistha Barman 1st class 2nd	 Ayushmita Boruah 1st class 3rd	 Chinmoy Borah 1st class 4th
 Barsha Saikia 1st class 5th	 Kangkana Talukdar 1st class 6th	 Payal Kalwar 1st class 7th	 Niharika Mazumdar 1st class 8th
 Alimpa Rabha 1st class 10th	 Rahul Dutta 1st class 12th	 Parbin S. Saikia 1st class 13th	 Sandip Choudhury 1st class 14th
 Diksha Atri 1st class 16th	 Mokibur Rahman 1st class 16th	 Anamika Choudhury 1st class 17th	 Sanjita Singha 1st class 18th
 Arkee Kalita 1st class 19th	 Nitiina Bharadwaj 1st class 19th	 Joviyal Barman 1st class 20th	

Prof. (Dr) Sangeeta Tripathi, Director, NERIM, Jayanagar, Khanapara, Guwahati, Assam, Pin-781022
www.nerimindia.org | nerimindia@gmail.com, Ph. 9954190758 / 9954051419 / 9864750000